

ახალი ბანათლება

15 - 21 სექტემბერი

ფასი 1 ლარი 70 თეთრი

№26 (740) ბაზრის 1998 წლიდან

www.axaliganatleba.ge



გვერდი 3

პროფესიული განვითარება

მასშტაბური პროექტის პირველი ნაბიჯები

მასწავლებელთა და სკოლის დირექტორთა პროფესიული განვითარების პროექტის ფარგლებში, 20 000-ზე მეტი მასწავლებელი და 2 000-ზე მეტი დირექტორი ანიმალურ კვლივითკაცებს მოსწავლეზე ორიენტირებული სასწავლო პროცესისა და საჯარო სკოლების ეფექტიანი მართვის დასაწარგად. ახალ სასწავლო წელს 1400 დირექტორი გადამზადებული შეხვდა.

გვერდი 6

ბანათლება უსსოეთში

გოგავლის ლიდერები ამერიკული გამოსდილებით


21 სექტემბრიდან, ზოგადსაგანმანათლებლო სკოლების მოსწავლეებისთვის, FLEX-გოგავალ ლიდერთა გაცვლითი პროგრამა დაიწყება. 2017-2018 აკადემიური წლისთვის, FLEX პროგრამის ფარგლებში, 50-მდე ფინანსისტი შეირჩევა.



გვერდი 8

სქემის ის ნაწილი, რომელიც შეიცავდა (არ მინდა ამ სიტყვის თქმა, მაგრამ მაინც გამოვიყენებ) მუძარას, რომ მასწავლებელს შეიძლება სამწლიანად სამსახური დაეტოვებინა, უახლოეს პერიოდში გაქრება.

ჩვენი სურვილია, რომ საგანმანათლებლო ბიზნესი გამოცემების იყო, ოღონდ ამათ არ გამოიწვიოს სახელმძღვანელოების გაქვირება. ეს ყველაზე რთული ამოცანაა, რომელიც უნდა ამოვხსნათ.



მინისტრი დაბეგმილი ცვლილებების შესახებ

ახალი სასწავლო წლის დაწყებასთან დაკავშირებით განათლებისა და მეცნიერების მინისტრი ალექსანდრე ჯიჯელავა ჟურნალისტებს შეხვდა და სისტემაში დაგეგმილი ცვლილებების შესახებ შეკითხვებს უპასუხა:

– ახალ სასწავლო წელს გახარებულები ვხვდებით. პირველ რიგში, გვიხარია, რომ წელს მეტი პირველკლასელი მოდის სკოლაში. მათი რაოდენობის ზრდა, ნაწილობრივ, შარშან სკოლაში ხუთწლიანთა არდაშვებამაც გამოიწვია, თუმცა, ამის გარეშეც რომ ნახოთ, ვმრავალდებით, რაც ძალიან სასიხარულოა. ჩვენი სიხარულის მეორე მიზეზი იმას უკავშირდება, რომ სასწავლო წელს ძალიან ბევრ ადგილას მნიშვნელოვნად გაუმჯობესებული ინფრასტრუქტურით ვხვდებით; შემდეგი დღეების განმავლობაში მოგიწევთ და გიჩვენებთ ამ სკოლებს. მათ შორისაა ჩვენი ამერიკელი მეგობრების დახმარებით რეაბილიტირებული, სრულიად ფანტასტიკური სკოლები, მოგიწევთ სკოლაში დაბრუნება; ასევე,

– როდის ამოქმედდება თქვენი ინიციატივა XII კლასის შესახებ?

– ეს ინიციატივა მხოლოდ XII კლასს არ ეხებოდა, არამედ XI-XII კლასებს, ანუ ამ საფეხურის გაძლიერებას, შედეგობრივად – რეპეტიტორობის ინსტიტუტთან გათანაბრებას. წელს ეს ინიციატივა ვერანაირად ვერ ამოქმედდება. ცხადია, მოსწავლეებმა ასეთი ცვლილებების შესახებ რამდენიმე ხნით ადრე უნდა იცოდნენ. ამიტომ, თუ კანონში ცვლილებას შევიტანთ, მინიმუმ, ერთი ან ორი წელი ექნება ყველა მოსწავლეს, რომ ამ სიახლეს შეეგუოს და მოემზადოს. ერთ წელიწადში ეს სიახლე რამდენიმე საექსპერიმენტო სკოლაში ამოქმედდება, მოვსინჯავთ სისტემას და ამის შემდეგ ექსპერიმენტს სხვა სკოლებშიც გავავრცელებთ.

– ვრცელდება ინფორმაცია, რომ დარიგებული სახელმძღვანელოების უმეტესი ნაწილი დაზიანებულია, რამდენ პროცენტს შეადგენს ახალი წიგნების რაოდენობა?

– დაახლოებით 30% ახალი წიგნებია, დაახლოებით 70% კი – ნახშიარი სახელმძღვანელოები. ამ 70%-დანაც ზოგი ორი წლის

მუშ, სამი ალტერნატიული სახელმძღვანელო იყოს. იმედი გვაქვს, რომ ზოგან კიდევ უფრო მეტი იქნება. ჩემი სურვილია, სკოლებს, რომლებსაც კარგი შედეგები აქვთ და მონივნავ სკოლებად ითვლებიან, თანდათან დავეზურუნოთ და მოუკიდებლობა სახელმძღვანელოების არჩევანში. უნდა ვაღიაროთ, რომ მონივნავ სკოლები მაინც იყენებენ პარალელურად, როგორც დამატებით რესურსს, სხვა სახელმძღვანელოებს და ეს აკრძალული არც აქვთ. მიმაჩნია, რომ სიმკაცრე თავის დროზე კარგიც იყო (როცა გადაწყდა, რომ არეულობა ამ ბაზარზე მონესრიგებულყოფი, მაგრამ ახლა ცოტათი ზღუდავს მონივნავ მასწავლებლებსა თუ სკოლებს. როდესაც სკოლა აირჩევს ალტერნატიული სახელმძღვანელოებიდან ერთ-ერთს, მონივნავ სკოლებს რეკომენდაციას ვაგუწვევთ (ექსპერიმენტის სახით დაეინყებთ), რომ ამ სამი სახელმძღვანელოს გარდა სხვა სახელმძღვანელოებიც მოსინჯონ და დავაკვირდეთ, როგორ გავლენას იქონიებს ეს შედეგებზე. ბევრ ქვეყანაში მასწავლებელი და სკოლა თავად ირჩევენ სახელმძღვანელოს ყოველგვარი გრიფირების გარეშე.

ჩვენი ამოცანაა, რომ სახელმძღვანელოში მოსწავლის საზიანო რამ არ ენეროს, ხოლო რა პრინციპით ასწავლოს მასწავლებელმა წილაღები ან კონტინენტები, მისი გადასაწყვეტი იქნება.

– შენარჩუნდება თუ არა სახელმწიფო პოლიტიკა უფასო სახელმძღვანელოების შესახებ?

– ალბათ, ამაზე ჩემი პირადი მოსაზრება იცით, რომ მე არ ვარ მდიდარი ხალხისთვის საჩუქრების კეთების ფანი. თუმცა, ეს ჩემი გადასაწყვეტი არ არის, ეს მთელი ერის გადასაწყვეტია. ეს პრინციპი წელსაც შენარჩუნებულია და ეჭვი მაქვს, მომავალ წელსაც შენარჩუნდება, მაგრამ მიმაჩნია, რომ აუცილებლად უნდა ნავიდეთ იქითკენ, რომ სახელმძღვანელო საჩუქრად მივცეთ მას, ვისაც ეს მართლა სჭირდება.

– ხომ არ იგეგმება ერთიანი ეროვნული გამოცდების სახეცვლილება და სტუდენტთა დაფინანსების საკითხის გადაწყვეტა – 2250 ლარით დაფინანსდება ყველა სახელმწიფო საბაკალავრო პროგრამა – ძვირადღირებულიც და ნაკლებად ძვირადღირებული პროფესიებიც.

– ერთიანი ეროვნული გამოცდები, ისევე როგორც დაფინანსება, ყოველწლიურად უნდა გადასახდეს, იმიტომ რომ, სამყარო წინ მიდის, გარემოებები იცვლება და ის, რაც თავის დროზე არაჩვეულებრივი იყო, შეიძლება რამდენიმე წელიწადში საზოგადოების საჭიროებებს ჩამორჩეს. ამიტომ ვფიქრობ, რომ ყოველწლიურად გადასახდებია. რეალურად ასეც არის, წლებიდან წლები ეროვნული გამოცდები განსხვავდებოდა შარშანდელისგან, შარშანდელი – შარშანწინდელისგან, მომავალ წელსაც აუცილებლად განსხვავებული იქნება.

რაც შეეხება დაფინანსების სქემას, აქაც მიმაჩნია, რომ

ნებისმიერ სტუდენტს და პროფესორს აქვს უფლება შარშანდელს ან ნებისმიერი სხვა კანდიდატი არ მოსწონდეს. რაც შეეხება უნივერსიტეტის დამოუკიდებლობას, ვფიქრობ, არჩევნების რომ ვიმონაწილეობდეთ, ისეთ კანდიდატს მივცემთ ხმას, რომელსაც გავლენა აქვს როგორც განათლების სამინისტროზე, ისე სხვა საგანმანათლებლო წრეებზე, რადგან მიმაჩნია, რომ დამოუკიდებლობა იზოლაციას არ ნიშნავს.

ახალ სასწავლო წელს დროულად და ოპერატიულად დარიგებული სახელმძღვანელოებით, კომპიუტერებით ვხვდებით – ამისთვის, ალბათ, სკოლებსაც და რესურსცენტრებსაც მადლობა უნდა გადაუხადოთ, ასევე, სამინისტროს თანამშრომლებს; დიდი იმედი მაქვს, რომ ვხვდებით უფრო მოტივირებული და დამოკიდებული მასწავლებლებით, რომლებსაც არც გამოცდას, არც ჩაჭრას და არც გაყრას არავინ უშირვებს. დარწმუნებული ვარ, ახალი ენერგიით შეუდგებიან მუშაობას თავიანთ მოსწავლეებთან. ვულოცავ მასწავლებლებს, მოსწავლეებს და მშობლებს ახალი სასწავლო წლის დაწყებას.

– რა კონკრეტული ცვლილებები იგეგმება მასწავლებელთა პროფესიული განვითარების და კარიერული წინსვლის სქემებში? რით დაამუშვიდეთ და გახადეთ უფრო მოტივირებული შედეგები?

– პირველ რიგში, ჩვენ ვთქვით, რომ სქემის ის ნაწილი, რომელიც შეიცავდა (არ მინდა ამ სიტყვის თქმა, მაგრამ მაინც გამოვიყენებ) მუქარას, რომ მასწავლებელს შეიძლება სამ წელიწადში სამსახური დაეტოვებინა, უახლოეს პერიოდში გაქრება. ყველა მასწავლებელს ვეუბნებით, რომ თუ ის გაკვეთილს ატარებს, თუ მას არ აქვს პრობლემები მოსწავლეებთან და სკოლის ადმინისტრაციასთან, გამოცდის ან მსგავსი რამის გამო, სკოლას არ დატოვებს.

რაც შეეხება თვითონ სქემებში კომპონენტების დამატებას, ვაპირებთ, რომ პედაგოგიური უნარების გამოცდა აღვადგინოთ, თუმცა, არჩევითი, ნებაყოფლობითი გაგხადოთ. ნებისმიერ მასწავლებელს შეეძლება ან საგნის გამოცდა ჩააბაროს, ან უნარების, ან ორივე ერთად – ეს მისი გადასაწყვეტი იქნება. ვიდუოაკვეთილებს რაც შეეხება, არც ისინი გაგვიუქმებია, ესეც არჩევითი კომპონენტია – მასწავლებელს, სურვილის შემთხვევაში, შეუძლია ვიდუოაკვეთილიც გააკეთოს.

ვაპირებთ დავამატოთ სხვადასხვა კომპონენტები. ერთ-ერთი, რაც, პრაქტიკულად, გადაწყვეტილია, არის დისტანციური გაკვეთილების დაწყება (მოსინჯვა), უცხოეთში მცხოვრები საქართველოს მოქალაქეების შვილებისთვის. საუბარია ქართულ ენასა და ლიტერატურაზე და ისტორიაზე. ასევე განვიხილავთ გვაქვს, რომ მასწავლებელს სოციალურ აქტივობაში, ანუ სკოლის მოსწავლეების სოციალური აქტივობის მიმართულებით ორგანიზებაში მივანიჭოთ კრედიტები. აი, ეს არის, რაც ამ წუთას დანამდვილებით ვიცით რომ შეიცვლება. თუმცა, საკმაოდ მალე, ერთ თვეში, მაქსიმუმ თვენახევარში, ახალი სქემის პრეზენტაცია შედგება და ყველას ექნება საშუალება, გაეცნოს მას.

– ხომ არ იგეგმება „ახალ სქემებში“ პროფესიაში ახალგაზრდების შესვლის გაიოლება?

– ეს ის საკითხია, რომელიც უფრო მძიმედაა წარმოჩენილი, ვიდრე რეალურადაა საქმე. რომ ვნახოთ სტატისტიკა, რამდენი ახალგაზრდა მასწავლებელი შევიდა ბოლო წლების

წიგნია, ზოგი კი – 3. ძალიან დაზიანებული წიგნები გადავარჩინეთ და ხმარებიდან ამოვიღეთ, ამიტომ, წესით, დაზიანებული სახელმძღვანელო არც ერთ მოსწავლეს არ უნდა შეხვდეს. თუმცა, შეგახსენებთ, რომ ასიათასობით სახელმძღვანელოზე საუბარი (მილიონობით – თავისი რვეულებით), შესაბამისად, რა თქმა უნდა, შეიძლება გამოაკლისოც მოხდეს. ისიც შესაძლებელია, რომ თვითონ ბავშვებს გაუფუჭდეთ წიგნები. მთლიანობაში ეს წიგნები კარგ მდგომარეობაშია.

– იგეგმება სახელმძღვანელოების გრიფირება. რა იცვლება გრიფირების ახალი წესის მიხედვით და როდის დაიწყება პროცესი?

– იმედი მაქვს, გრიფირების პროცესი რამდენიმე კვირაში გამოცხადდება. ამის შემდეგ გამოცემლობებმა უნდა დაიწყონ ახალი სახელმძღვანელოების შექმნა. შემდგომი ეტაპია ამ სახელმძღვანელოების შემოწმება-გადამოწმება და, საბოლოო ჯამში, 2017 წლის ზაფხულის დასაწყისისთვის უნდა გვექონდეს უკვე ახალი სახელმძღვანელოები, რომლებსაც მიენიჭება გრიფი და ახალი სასწავლო წელი ახალი სახელმძღვანელოებით დაიწყება.

მონივნავ სკოლებს რეკომენდაციას გავუწევთ (ქმსპარიმენტის სახით და-ვიწყებთ), რომ სამი ალტერნატიული სახელმძღვანელო გარდა სხვა სახელმძღვანელოებიც მოსინჯონ და დავაკვირდეთ, როგორ გავლენას იქონიებს ეს შედეგებზე. ბევრ ქვეყანაში მასწავლებელი და სკოლა თავად ირჩევენ სახელმძღვანელოს ყოველგვარი გრიფირების გარეშე.

ამ პროცესებს ძალიან ფრთხილად ვუდგებით. მოგესხენებათ, რომ იმდენად ცუდი სახელმძღვანელოები გვაქვს შინა-არსობრივად და სტრუქტურულად, კიდევ ახლის დამატება არ ივარგებს, რადგან სჯობს თუ კარგს ვერ აკეთებ, ცოტა ხანს თავი დაანებო და მაშინ გააკეთო, როცა ამას ნამდვილად შეძლებ. დარწმუნებული ვარ, მომავალ წელს, სახელმძღვანელოების გარკვეული ნაწილი მოეწონება. დღესაც გვექონდა გამოცემულთან შეხვედრა. მიმდინარეობს მოლაპარაკებები იმის შესახებ, მხოლოდ I-IV კლასების სახელმძღვანელოებზე ვიმუშაოთ, თუ V-VI კლასებისაზეც, იმიტომ რომ, სახელმძღვანელოების რაოდენობა V-VI კლასებში ერთი იმდენია, რაც I-დან IV-მდე. ამიტომ ხომ არ დაზარალდება ხარისხი?! თუმცა, ავტორები აცხადებენ, რომ ვადები, რაც ჩვენ დაახლოებით მოვხაზეთ, სავსებით რეალისტურია. კიდევ ბევრი რამ იცვლება, მაგრამ მთავარი არის ის, რომ გამოცემლობებს ვუბრუნებთ, ასე ვთქვათ, ამ ბიზნესს. არანაკლებ მნიშვნელოვანია, ფასი არ გავვექცეს ხელიდან. ჩვენი სურვილია, რომ საგამომცემლო ბიზნესი გამომცემლების იყოს, ოღონდ ამან არ გამოიწვიოს სახელმძღვანელოების გაძვირება. ეს ყველაზე რთუ-

მრავალფეროვნება გვაკლია. არსებული სქემის მოშლას ან შეცვლას არ ვაპირებთ, თუმცა, გგონია, რომ დამატებითი ხელშეწყობა სჭირდება ზოგიერთ სპეციალობას, რომელიც შეიძლება უფრო ძვირადღირებული იყოს, იგივე სამედიცინოზე შეიძლება ვისაუბროთ ან საინჟინროზე და სხვ. ვფიქრობ, უნდა გამოვანახოთ შესაძლებლობები, რომ ძვირადღირებული სპეციალობების ხელშეწყობა მოვახერხოთ.

– როგორ აფასებთ სტუდენტთა გარკვეული ნაწილის კრიტიკულ განწყობას გიორგი შარვაშიძის, როგორც რექტორის კანდიდატურის, მიმართ – მიაჩნიათ, რომ ის პოლიტიკური ფიგურაა და ამდენად ვერ უზრუნველყოფს უნივერსიტეტის ავტონომიურობას.

– უნივერსიტეტის რექტორი არჩევნების ფორმით იმიტომ ირჩევა, რომ დაბალანსებული იყოს – ყველას მივცა არჩევანის უფლება. მოგესხენებათ, რომ საპარლამენტო არჩევნებშიც და საპრეზიდენტოშიც ყველას ყველაფერი არ მოსწონს. ნებისმიერ სტუდენტს და პროფესორს აქვს უფლება შარშანდელს ან ნებისმიერი სხვა კანდიდატი არ მოსწონდეს. რაც შეეხება უნივერსიტეტის დამოუკიდებლობას, ვფიქრობ, არჩევნებში რომ ვმონაწილეობდეთ ისეთ კანდიდატს მივცემთ ხმას, რომელსაც გავლენა აქვს როგორც განათლების სამინისტროზე, ისე სხვა საგანმანათლებლო წრეებში, რადგან მიმაჩნია, რომ დამოუკიდებლობა იზოლაციას არ ნიშნავს, ანუ თსუს რექტორი საზოგადოებისგან იზოლირებული ვერ იქნება, პირაქით, ის ყოველდღიურ ურთიერთობაში უნდა იყოს, უბრალოდ, ამან მისი გადაწყვეტილებების ცვაა არ უნდა გამოიწვიოს. ვფიქრობ, ბატონი გიორგი შარვაშიძე სწორედ ისეთი დონის და რანგის პროფესიონალია, რომელსაც ყველა იცნობს და პატივს სცემს. ძალიან გამიჭირდებოდა მისი აზრის შეცვლა, რომც მდომოდა ამის გაკეთება. სამინისტროშიც ჩვენი თანამშრომლობა ძალიან თანაბარი, მეგობრული და კოლეგიალური იყო. ასე რომ, სხვა კარგ კანდიდატებსაც მივესალმები, თუმცა ვფიქრობ, რომ ძლიერი, გამოცდილი კანდიდატი მხოლოდ არგებს უნივერსიტეტს. ვის აირჩევენ და როგორ იმუშავებენ, რა თქმა უნდა, უნივერსიტეტის შიდა საქმეა.

ერთ-ერთი, რაც, პრაქტიკულად, გადაწყვეტილია, არის დისტანციური გაკვეთილების დაწყება (მოსინჯვა), უცხოეთში მცხოვრები საქართველოს მოქალაქეების შვილებისთვის. საუბარია ქართულ ენასა და ლიტერატურაზე და ისტორიაზე, ასევე განვიხილავთ გვაქვს, რომ მასწავლებელს სოციალურ აქტივობაში, ანუ სკოლის მოსწავლეების სოციალური აქტივობის მიმართულებით ორგანიზებაში მივანიჭოთ კრედიტები.

განმავლობაში სისტემაში, დამერწმუნეთ, რომ საკმაოდ შთაბეჭდავი რაოდენობაა. მეორე მხრივ, ვაპირებთ თუ არა მასობრივ ცვლილებებს და ათობით ათასი ადამიანის ჩანაცვლებას, ამას ნამდვილად არ ვაპირებთ და არც გვაქვს ჩასანაცვლებლად საქმე, რადგან ჩვენი მასწავლებლები ძალიან კომპეტენტურები, გულანდობილები და მოტივირებულები არიან. მათთან ერთად და მათი განვითარებით ვაპირებთ, შევძლოთ სკოლის წინ წაყვანა.

ლი ამოცანაა, რომელიც უნდა ამოვხსნათ. ასევე, პირველ წელს, ყველა სახელმძღვანელოს საპილოტე რეჟიმში შემოვიტანთ, რაც იმას ნიშნავს, რომ ყველა მასწავლებელს და მოსწავლეებსაც შეეძლება თავიანთი კომენტარები და შენიშვნები დაუბრუნონ გამომცემლებს და, ფაქტობრივად, მეორე წლიდან იგივე სახელმძღვანელოები კიდევ უფრო დახვეწილი სახით დაიბეჭდება.

ვგეგმავთ, რომ თითოეულ კლასში თითო საგანში, მინი-

ინფორმაცია

საუნივერსიტეტო ქალაქი

საქართველოს შუაგულში კავკასიის რეგიონში უდიდესი, თანამედროვე ინფრასტრუქტურითა და უახლესი ლაბორატორიებით აღჭურვილი ქუთაისის საუნივერსიტეტო ქალაქის მშენებლობა იწყება. თანამედროვე სტანდარტების შესაბამისი ტექნოლოგიური უნივერსიტეტი, რომლის პროექტაცია 12 სექტემბერს გაიმართა, ქუთაისში, მუხნარის ტყის მიდამოებში აშენდება და მსოფლიოს წამყვანი საუნივერსიტეტო ქალაქებისათვის დამახასიათებელი ყველა საჭირო ინფრასტრუქტურით იქნება აღჭურვილი. კავკასიის რეგიონში უდიდესი, თანამედროვე ინფრასტრუქტურითა და უახლესი ლაბორატორიებით აღჭურვილი ქუთაისის საუნივერსიტეტო ქალაქი მთელი რეგიონისთვის საგანმანათლებლო-სამეცნიერო და მიზიდულობის ცენტრი გახდება.

ქუთაისის საუნივერსიტეტო ქალაქის, თბილისში განლაგებული ტექნოლოგიური ინსტიტუტის და სამეცნიერო-კვლევითი ცენტრის დაპროექტებას, მშენებლობას, აღჭურვას და ფუნქციონირებას სრულად უზრუნველყოფს ფონდი „ქართუ“ საერთო ბიუჯეტი, ამ ეტაპზე, 1 მილიარდ ევროს შეადგენს. 60 000 სტუდენტზე გათვლილი საუნივერსიტეტო ქალაქი 140 ჰექტარზე გაშენდება და ქვეყანას ყველა იმ დარგის მაღალკვალიფიციური სპეციალისტებით უზრუნველყოფს, რაც საქართველოს ეკონომიკას სწრაფი განვითარებისთვის სჭირდება.

ორივე მეგაკომპლექსი დარჩება სახელმწიფოს საკუთრებაში და როგორც თბილისის ტექნოლოგიური ინსტიტუტი, ისე ქუთაისის საუნივერსიტეტო ქალაქი იქნება სახელმწიფო დაწესებულება.

ახალ ცენტრში, ქართველებთან ერთად, უცხოეთიდან მოწვეული პროფესორ-მასწავლებლებიც იმუშავენ. უნივერსიტეტის ძირითადი მიმართულებები იქნება: ტექნოლოგიები, კომპიუტერული მეცნიერება, ინჟინერიის სხვადასხვა დარგები, აგრონომია, ზუსტი და საბუნებისმეტყველო მეცნიერებები, მათი ინტერდისციპლინარული თანამედროვე პროგრამები. ასევე შეთავაზებული იქნება სხვა დარგების საბაკალავრო და სამაგისტრო ხარისხის სპეციალობები, რომელთა საჭიროებას განსაზღვრავს სახელმწიფო.

პროექტი რამდენიმე სასწავლო სივრცეს მოიცავს: სამეცნიერო კვლევის ცენტრები, სტუდენტებისა და მოწვეული მასწავლებლების საცხოვრებელი ფართები, სპორტული ინფრასტრუქტურა, გასართობი და სარეკრეაციო ზონები.

გიორგი კვიციანი, პრემიერ-მინისტრი: „დღეს 12 სექტემბერია და შეუძლებელია არ გავიხსენოთ ილია ჭავჭავაძის მკვლელობის დღე და პატივი არ მივაგოთ მის უკვდავ სულს. როგორც ილია ჭავჭავაძე ამბობდა, „მეცნიერება და განათლება უნდა იყოს ქართველი კაცის თოვ-იარაღი“. დღეს ჩვენი შეხვედრაც სწორედ ამ მიზანს ემსახურება, საძირკველი ეყრება საქართველოში ეპოქალური მნიშვნელობის პროექტს. აქ, ქუთაისში, დაფუძნდება უდიდესი და ყველაზე თანამედროვე საგანმანათლებლო ცენტრი, აშენდება საუნივერსიტეტო ქალაქი, რომელიც უპრეცედენტო საგან-

მანათლებლო ცენტრი იქნება მთელ რეგიონში. ქუთაისის არჩევა ახალი საუნივერსიტეტო ქალაქის ადგილად შემთხვევითი არ არის. ქუთაისის ქალაქი, სადაც საუკუნეების წინ არსებობდა გელათის აკადემია, რომელმაც იმ ეპოქაში თავის თავზე იტვირთა უმნიშვნელოვანესი საგანმანათლებლო ცენტრის ფუნქცია.

დღეს ჩვენ იმის მოწმე ვართ, რომ ოცნება რეალობად იქცა და ბევრი ქვეყნისთვის მართლაც მიუწვდომელი პროექტი საქართველოში იწყებს ხორცშესხმას. მაღლობა მინდა ვუთხრა ბატონ ბიძინას ამისათვის. ჩვენ ვგაქვს უზარმაზარი ინტელექტუალური პოტენციალი და ამას ყველა ერთხმად აღნიშნავს. ჩვენ გვყავს ძალიან ნიჭიერი ახალგაზრდობა, რომელსაც გზის გახსნა და თანამედროვე ცოდნის მიცემა სჭირდება. უნივერსიტეტის არსებობა შეუნარჩუნებს ქვეყანას ინტელექტუალურ რესურსს და კიდევ უფრო მეტი განვითარების საშუალებას მისცემს მათ. დარწმუნებული ვარ, სწორედ ეს უნივერსიტეტი იქნება ის საგანმანათლებლო ბაზა, რომელიც მაღალკვალიფიციურ პროფესიონალებსა და მეცნიერებს გამოუშვებს. ეს იქნება ის ხალხი და ის თაობები, რომლებიც გარღვევას მოახდენენ ჩვენი სამშობლოს წინსვლასა და განვითარებაში.

უნივერსიტეტს ამ უმნიშვნელოვანესი მიზნის განხორციელებაში გვერდში დაუდგებიან ამერიკის შეერთებული შტატების, გერმანიისა და მსოფლიოს სხვა ქვეყნების წამყვანი უნივერსიტეტები, რომლებთანაც უკვე დაწყებულია ინტენსიური თანამშრომლობა. დარწმუნებული ვარ, აქ შეიქმნება ისეთი გარემო, როგორც სახელმწიფო-ამერიკულ და ევროპულ უნივერსიტეტებშია, რაც მათ მსოფლიო ლიდერებად აქცევს. ასეთი დონის საუნივერსიტეტო ქალაქი უცხოელი სტუდენტების მოსურვებენ განათლების მიღებას. საქართველოში ამჟამადაც ბევრი უცხოელი სწავლობს, მაგრამ ჩვენ გვინდა, რომ კიდევ უფრო გაიზარდოს ჩვენი ქვეყნის მიმზიდველობა. დარწმუნებული ვარ, ეს საუნივერსიტეტო ქალაქი გამოაჩენს იქნება თავისი პოტენციალით და იქცევა რეგიონული მნიშვნელობის საგანმანათლებლო ჰაბად.

მოგეხსენებათ, რომ მსოფლიოში დღეს უკვე ტენდენციად იქცა საუნივერსიტეტო ქალაქებში ბიზნესინკუბატორების, ინოვაციური პარკების, სტარტაპ-კომპანიების ჩამოყალიბება და განვითარება. ბევრი გამოგონება და ნარმატებული ბიზნესი სწორედ უნივერსიტეტების ნიაღში იზადება და ვითარდება. იცით, რომ ჩვენ უკვე დავიწყეთ სტარტაპების პროექტების სახელმწიფო დაფინანსება, ქართველი მეწარმეებისა და ახალგაზრდა ინოვატორების ხელშეწყობა და, დარწმუნებული ვარ, რომ ამ უნივერსიტეტშიც ბევრი საინტერესო პროექტი დაიბადება. გარდა უზარმაზარი საგანმანათლებლო და სამეცნიერო ფუნქციისა, საუნივერსიტეტო ქალაქი თავად ქუთაისის განვითარებაშიც შეიტანს უზარმაზარ წვლილს. ქუთაისმა უნდა დაიბრუნოს ის პოზიციები, რომლებიც მას ტრადიციულად ჰქონდა. ეს იყო ინდუსტრიული ქალაქი, სადაც მუშობდნენ საუკეთესო ინჟინრები, ტექნოლოგები, სხვადასხვა დარგის სპეციალისტები.



მე მჯერა, რომ ამაში საუნივერსიტეტო ქალაქი გადაწყვეტს სიტყვას იტყვის. ბუნებრივია, ასეთი მასშტაბის პროექტების განხორციელება ქუთაისელებისთვის და ამ რეგიონის მოსახლეობისთვის დასაქმების დამატებით შესაძლებლობებს გააჩენს. ბევრი ადგილობრივი უკვე მშენებლობის პროცესში დასაქმდება, ხოლო როდესაც საუნივერსიტეტო ქალაქი დაიწყებს ფუნქციონირებას, საჭირო გახდება სათანადო კადრები და, შესაბამისად, ახალი სამუშაო ადგილებიც გაჩნდება.

ბიძინა ივანიშვილი, ყოფილი პრემიერ-მინისტრი: „რამდენიმე თვის წინ ჩვენ დავინწყეთ სამეცნიერო ცენტრის მშენებლობა თბილისში, სადაც კოლაიდერი გაკეთდება და იქ მეცნიერები იქნება, სხვადასხვა დარგის მეცნიერებს ექნებათ საექსპერიმენტო ბაზა. ქუთაისის საუნივერსიტეტო ქალაქი და თბილისის სამეცნიერო-კვლევითი ცენტრი – ეს ორი უდიდესი პროექტი ერთად საფუძველი იქნება იმისა, რომ საქართველოში მეცნიერება და განათლება აღორძინდეს.“

საქართველოს საუნივერსიტეტო ქალაქი მოიცავს: მთავარ კამპუსს, რომელიც გაერთიანდება სასწავლო სივრცეები, მრავალდარგობრივი სამეცნიერო-კვლევითი ცენტრები, სტუდენტების და მოწვეული პროფესორ-მასწავლებლების საცხოვრებელი სივრცეები, ასევე სპორტულ ინფრასტრუქტურას, გასართობი და სარეკრეაციო ზონას.

ერთიანი საგანმანათლებლო სისტემის ნაწილი იქნება თბილისში განლაგებული საქართველოს ტექნოლოგიური ინსტიტუტი და ადრონული თერაპიის სამეცნიერო-კვლევითი ცენტრი, მისი უნიკალური კვლევითი ინფრასტრუქტურით.

მკვლევარი სიმონ ჯანაშია რადიო თავისუფლებასთან საუბარში აცხადებს, რომ, მიუხედავად ტექნოლოგიური მიმართულების რამდენიმე უნივერსიტეტის არსებობისა, სურათი აჩვენებს, რომ დღეს საქართველოში არცთუ ისე ბევრია ისეთი ადამიანი, ვისაც ამ მიმართულებით ცოდნის მიღება სურს. ამ ფონზე კი, მისი აზრით, ამ მასშტაბის უნივერსიტეტის დაფუძნება, თუ, ცხადია, სხვა უმაღლეს სასწავლებლებს არ შეზღუდავენ, არარეალისტურია: „დღეს, ვიცით, რომ უნივერსიტეტები ამ მიმართულებებზე, უბრალოდ, ვერ აგროვებენ სტუდენტებს და უცნაურია, რომ

ასეთ პირობებში, იმის მაგივრად, რომ მოქმედ უნივერსიტეტებს დაეხმარონ, სრულიად ახალ უნივერსიტეტებს და ახალ სისტემებს ქმნიან. აი, თუნდაც, ჩვენ დღეს უმაღლესი განათლების ორი სისტემა გვაქვს: ერთი, რომელიც ეხება ყველა უნივერსიტეტს და მეორე, ცალკე კანონი დაინერა იმ უნივერსიტეტისთვის, იმ სამეცნიერო ცენტრისთვის, რომელსაც ვიცავთ უხელომდგანელებს. ეს ცოტა უცნაურია, რადგან მაშინ გამოდის, რომ სისტემას არ ენდობა სახელმწიფო, რომელსაც ყოველწლიურად თავად აფინანსებს მრავალი მილიონით და თან ცდილობს პარალელური სისტემის აშენებას, იმის მაგივრად, რომ უკვე არსებული გაუმჯობესებაზე იზრუნოს.

ამ გეგმაში, რომელშიც, ახლა ვაცხადებ, არ ჩანს, თუ როგორ აპირებენ ამ კონკრეტული პრობლემის გადაჭრას. საეჭვოა ის ვადებიც, რომელშიც აპირებენ გახსნას, რადგან ეგ ვადები, საკმარისი იქნება მხოლოდ ინფრასტრუქტურის აშენებისთვის და ეგვეც სათუთა. მაგრამ ადამიანი რომ აღზარდოს კარგ მეცნიერად, პროფესორად, სამი წელი არ არის საკმარისი. და კიდევ ერთი, მე მგონია, რომ ხელისუფლება დღეს საკუთარ გეგმებს ეწინააღმდეგება, რადგან ბოლო რამდენიმე თვეა, პრემიერიც და განათლების მინისტრიც სულ იმაზე ლაპარაკობენ, რომ ჩვენთან გაცილებით მეტი ადამიანი სწავლობს უმაღლესში, ვიდრე საჭიროა და ამ ფონზე როდესაც ამხელა უნივერსიტეტს ამატებ და ამბობ, რომ სტუდენტების 30%-იანი ზრდა იქნება, ძალიან უცნაურად გამოიყურება ეს პროექტი.

საქართველოს დღეს კარგი უნივერსიტეტები სჭირდება, თუმცა ასეთი უნივერსიტეტები არ ჩნდება ხელოვნურად, მხოლოდ კარგი ადგილის მონიშვნით. იბადება კიდევ ერთი კითხვა: თუ ამხელა ძალისხმევა მიმართული იქნება მხოლოდ ერთი უნივერსიტეტისაკენ, ვისგან უნდა ელოდონ მხარდაჭერას დანარჩენი უნივერსიტეტები, რომლებსაც ხელოვნური კონკურენტი უჩნდება.“

მთავრობა კი მილიონწევრიანი პროექტის, დაახლოებით, სამ წელიწადში დასრულებას გეგმავს – 2019 წელს ქუთაისის საუნივერსიტეტო ქალაქმა სტუდენტების პირველი ნაკადი უნდა მიიღოს.

მომზადდა ლალი თვალაპიშვილმა

მასწავლებლის სამუშაო რვაული

მასწავლებლის სამუშაო რვაული პორტფოლიოს განსუფილი ნაწილია. რვაულის სტრუქტურა საშუალებას აძლევს მასწავლებელს:

1. საჭიროებისამებრ შეაჯამოს გააკეთებლის დაგეგმვის სქემა-ბის მოკლე ან სრული ვარიანტები;
2. გააცნოს გააკეთებლის დაგეგმვის რეკომენდაციებს;
3. გააცნოს გააკეთებლის მოკლედ და დეტალურად დაგეგმვის ნიმუშებს.

4 ლარი

ინტერაქტიური მეთოდების კრებული

კრებულში აღწერილია ინტერაქტიური სწავლების მეთოდები; მოცემულია თითოეული მეთოდის გამოყენების ეტაპობრივი აღწერა; განხილულია, რა უნარებს ავითარებს თითოეული მეთოდი; დასახელებულია თითოეული მეთოდის გამოყენების წინაპირობა. კრებულში თავმოყრილია 50-მდე მეთოდის აღწერა.

6 ლარი

კათედრის გამგის პორტფოლიო

კათედრის გამგის პორტფოლიო საშუალებას აძლევს კათედრის გამგეს აღრიცხოს, გააფორმოს, აღწეროს ეროვნული სასწავლო გეგმით მასწავლებლის საქმიანობები. შესავსები სქემების, ცხრილებისა და კათედრის სხდომის ოქმების გარდა, პორტფოლიო შეიცავს მეთოდურ რეკომენდაციებს, რაც დაეხმარება კათედრის ხელმძღვანელს პორტფოლიოს წარმოებაში და მისი საქმიანობის განხორციელებაში.

6 ლარი

ინფორმაციური ტექნოლოგიების კრებული

წიგნში თავმოყრილია დაწყებითი კლასებისთვის აქტუალური სწავლების მეთოდების გამოყენებით შემდგომი გაკეთებლის სცენარიები ქართულ-ბი, მათემატიკაში და ზუნებაში. სახელმძღვანელო დაეხმარება მასწავლებელს მოსწავლეს განსვითაროს: წიგნიერების, მედიაწიგნიერების, მათემატიკური წიგნიერებისა და კვლევითი უნარები, კრიტიკული და შემოქმედებითი აზროვნება.

6 ლარი 50 თეთრი

მასწავლებლის პორტფოლიო

ოფისიალური დოკუმენტი



საქართველოს უმაღლეს საგანმანათლებლო დაწესებულებაში სოციალური პროგრამის ფარგლებში იმ სტუდენტების სახელმწიფო სასწავლო ბრანტით

დაფინანსების ოდენობისა და პირობების განსაზღვრის შესახებ, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე

2016-2017 სასწავლო წლისთვის, უმაღლეს საგანმანათლებლო დაწესებულებებში სოციალური პროგრამის ფარგლებში დაფინანსებისთვის გამოყოფილია 2 520 000 (ორი მილიონ ხუთას ოცი ათასი) ლარი იმ სტუდენტებისთვის, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე.

სოციალური პროგრამის ფარგლებში სახელმწიფო სასწავლო ბრანტით დაფინანსების ოდენობა და პირობები განისაზღვრა საქართველოს მთავრობის 2016 წლის 7 ივლისის №310 დადგენილებით.

სოციალური პროგრამის ფარგლებში სახელმწიფო დაფინანსების მოსაპოვებლად სტუდენტი წარადგენს განცხადებას, რომლის ფორმა და წარსადგენი დოკუმენტაციის ნუსხა დამტკიცებულია საქართველოს განათლებისა და მეცნიერების მინისტრის 2016 წლის 25 ივლისის №585 ბრძანებით.

დაფინანსების მისაღებად, განცხადება თანდართულ დოკუმენტებთან ერთად, წარდგენილი უნდა იყოს საქართველოს განათლებისა და მეცნიერების სამინისტროში ან შესაბამის ტერიტორიულ ორგანოში - საგანმანათლებლო რესურსცენტრში 2016 წლის 3 ოქტომბრის ჩათვლით.

ვინ შეიძლება მოიპოვოს დაფინანსება სოციალური პროგრამის ფარგლებში:

1. სოციალური პროგრამის ფარგლებში 1 920 000 (ერთი მილიონ ცხრას ოცი ათასი) ლარი გამოყოფილია იმ სტუდენტების დაფინანსებისთვის, რომლებიც 2016 წლის ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე და განეკუთვნებიან შემდეგ კატეგორიას:

- ა) 206 სტუდენტი, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს მაღალმთიან და ეკოლოგიური მიგრაციის რეგიონებში არსებულ ზოგადსაგანმანათლებლო დაწესებულებებში, აქედან:
 - ა.ა) მესტიის მუნიციპალიტეტში - 12 სტუდენტი;
 - ა.ბ) ლენტეხის მუნიციპალიტეტში - 10 სტუდენტი;
 - ა.გ) ონის მუნიციპალიტეტში - 10 სტუდენტი;
 - ა.დ) ქედის მუნიციპალიტეტში - 18 სტუდენტი;
 - ა.ე) ხულოს მუნიციპალიტეტში - 24 სტუდენტი;
 - ა.ვ) შუაზევის მუნიციპალიტეტში - 18 სტუდენტი;
 - ა.ზ) ყაზბეგის მუნიციპალიტეტში - 10 სტუდენტი;
 - ა.თ) დუშეთის მუნიციპალიტეტში (ბარისახოს, შატილის, ქვეშეთის, მღეთის, მაღაროსკარისა და გუდამაყრის სკოლებში) - 10 სტუდენტი;
 - ა.ი) ადიგენის მუნიციპალიტეტში - 15 სტუდენტი;
 - ა.კ) ახალქალაქის მუნიციპალიტეტში - 10 სტუდენტი;
 - ა.ლ) ნინოწმინდის მუნიციპალიტეტში - 6 სტუდენტი;
 - ა.მ) ნალკის მუნიციპალიტეტში - 13 სტუდენტი;
 - ა.ნ) დმანისის მუნიციპალიტეტში - 16 სტუდენტი;
 - ა.ო) ახმეტის მუნიციპალიტეტში - 24 სტუდენტი (მათ შორის, პანკისის ხეობის სკოლებში - 14 სტუდენტი; ზემო და

ქვემო ალვანის სკოლებში - 10 სტუდენტი);
ა.პ) ასპინძის მუნიციპალიტეტში - 10 სტუდენტი.

ბ) 170 სტუდენტი, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს „ოკუპირებული ტერიტორიების შესახებ“ საქართველოს კანონით გათვალისწინებულ ოკუპირებულ ტერიტორიაზე არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით; ასევე სტუდენტები, რომლებიც 2008 წლის 7 აგვისტომდე, ბოლო ერთი წლის განმავლობაში სწავლობდნენ ოკუპირებულ ტერიტორიაზე, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, აქედან:

- ბ.ა) აფხაზეთის ავტონომიურ რესპუბლიკაში, მათ შორის, აჭარის მუნიციპალიტეტში - 90 სტუდენტი;
- ბ.ბ) ცხინვალის რეგიონში (ყოფილი სამხრეთ ოსეთის ავტონომიური ოლქის ტერიტორიები), მათ შორის, ქუთაის, ერედვისა და ახალგორის მუნიციპალიტეტებში - 75 სტუდენტი;
- ბ.გ) საჩხერის მუნიციპალიტეტის სოფელ პერევეში - 5 სტუდენტი.

გ) 15 სტუდენტი, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აზერბაიჯანულენოვან ზოგადსაგანმანათლებლო დაწესებულებებში.

დ) 15 სტუდენტი, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს სომხურენოვან ზოგადსაგანმანათლებლო დაწესებულებებში.

ე) 26 სტუდენტი, რომლებიც არიან საქართველოს ტერიტორიული მთლიანობისათვის ბრძოლაში დაღუპულთა და უგზო-უკვლოდ დაკარგულთა შვილები.

ვ) 5 სტუდენტი, რომლებიც არიან კომუნისტური რეჟიმის დროს საქართველოდან დეპორტირებული სამცხე-ჯავახეთის მოსახლეობის შთამომავლები.

ზ) 50 სტუდენტი, რომლებიც არიან ობოლნი (გარდაცვლილი ჰყავთ დედ-მამა).

თ) 100 სტუდენტი, რომლებიც არიან მრავალშვილიანი ოჯახის (ოთხი და მეტი შვილით) წევრები.

ი) 30 სტუდენტი, რომლებიც არიან მკვეთრად/მნიშვნელოვნად/ზომიერად გამოხატული შეზღუდული შესაძლებლობის მქონე პირები.

კ) 50 სტუდენტი, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს საქართველოს ოკუპირებულ ტერიტორიებთან გამყოფი ხაზის მიმდებარე სოფლებში არსებულ ზოგადსაგანმანათლებლო დაწესებულებებში.

ლ) 16 სტუდენტი, რომლებიც იმყოფებიან სახელმწიფო ზრუნვის ქვეშ (სააღმზრდელო საქმიანობის განმახორციელებელთან ან მინდობით აღზრდაში) ან გასული არიან სახელმწიფო ზრუნვიდან ბოლო სამი წლის განმავლობაში და იმყოფებოდნენ სახელმწიფო ზრუნვის ქვეშ მინიმუმ ორი წლის განმავლობაში.

მ) 170 სტუდენტი, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლი ან ნაკლებია 70 000-ზე.

II. სოციალური პროგრამის ფარგლებში ასევე დაფინანსდებიან აკრედიტებულ უმაღლეს საგანმანათლებლო პროგრამებზე 2014 ან 2015 წლების ერთიანი ეროვნული გამოცდების შედეგების საფუძველზე ჩარიცხული სტუდენტები, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლი ან ნაკლებია 70 000-ზე, აქედან:

ა) 300 000 (სამასი ათასი) ლარი გამოყოფილია 2014 წლის ერთიანი ეროვნული გამოცდების შედეგების საფუძველზე ჩარიცხული სტუდენტების დაფინანსებისთვის.

ბ) 300 000 (სამასი ათასი) ლარი გამოყოფილია 2015 წლის ერთიანი ეროვნული გამოცდების შედეგების საფუძველზე ჩარიცხული სტუდენტების დაფინანსებისთვის.

თუ პროგრამით გათვალისწინებული თანხა სრულად არ გაიცა დადგენილებით განსაზღვრული კატეგორიების მიხედვით, დაფინანსდებიან:

საქართველოს ტერიტორიული მთლიანობისათვის ბრძოლაში დაღუპულთა და უგზო-უკვლოდ დაკარგულთა შვილები, რომლებიც ჩარიცხული არიან 2012-2015 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა; მკვეთრად/მნიშვნელოვნად/ზომიერად გამოხატული შეზღუდული შესაძლებლობის მქონე პირები, რომლებიც ჩარიცხული არიან 2012-2015 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, მათ შორის, სოციალური პროგრამის ფარგლებში;

ობოლი (გარდაცვლილი ჰყავთ დედ-მამა) სტუდენტები, რომლებიც ჩარიცხული არიან 2012-2015 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, მათ შორის, სოციალური პროგრამის ფარგლებში.

იმ შემთხვევაში, თუ კატეგორიაში/ქვეკატეგორიაში შემავალი სტუდენტების რაოდენობა აღემატება ამ კატეგორიისთვის/ქვეკატეგორიისთვის გამოყოფილი ადგილების რაოდენობას, თანხა გაიცემა ერთიანი ეროვნული გამოცდების შედეგების აბსოლუტური ქულებით რანჟირების სიის საფუძველზე.

საქართველოს უმაღლეს საგანმანათლებლო დაწესებულებაში მაგისტრატურის აკრედიტებულ უმაღლეს საგანმანათლებლო პროგრამებზე ჩარიცხულ მაგისტრანტთა სოციალური პროგრამის ფარგლებში იმ სტუდენტების სახელმწიფო სასწავლო ბრანტით დაფინანსების ოდენობისა და პირობების განსაზღვრის შესახებ, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე

2016-2017 სასწავლო წელს საქართველოს უმაღლეს საგანმანათლებლო დაწესებულებებში მაგისტრატურის აკრედიტებულ უმაღლეს საგანმანათლებლო პროგრამებზე ჩარიცხულ მაგისტრანტთა სოციალური პროგრამის ფარგლებში სახელმწიფო სასწავლო სამაგისტრო ბრანტით დაფინანსებისთვის გამოყოფილია 205 000 (ორას ხუთი ათასი) ლარი.

სოციალური პროგრამის ფარგლებში სახელმწიფო სასწავლო სამაგისტრო ბრანტით დაფინანსების ოდენობა და პირობები განისაზღვრა საქართველოს მთავრობის 2016 წლის 7 ივლისის №311 დადგენილებით.

სოციალური პროგრამის ფარგლებში სახელმწიფო დაფინანსების მოსაპოვებლად მაგისტრანტი წარადგენს განცხადებას, რომლის ფორმა და წარსადგენი დოკუმენტაციის ნუს-

ხა დამტკიცებულია საქართველოს განათლებისა და მეცნიერების მინისტრის 2016 წლის 25 ივლისის №584 ბრძანებით.

დაფინანსების მისაღებად განცხადება თანდართულ დოკუმენტებთან ერთად საქართველოს განათლებისა და მეცნიერების სამინისტროში წარდგენილი უნდა იყოს 2016 წლის საერთო სამაგისტრო გამოცდების საბოლოო შედეგების გამოქვეყნებიდან 2016 წლის 17 ოქტომბრის ჩათვლით.

ვინ შეიძლება მოიპოვოს დაფინანსება სოციალური პროგრამის ფარგლებში:

სოციალური პროგრამით გათვალისწინებული თანხა გადაიხდება უმაღლეს საგანმანათლებლო დაწესებულებებში მაგისტრატურის აკრედიტებულ უმაღლეს საგანმანათლებლო პროგრამებზე 2015 ან 2016 წლის საერთო სამაგისტ-

რო გამოცდების შედეგად ჩარიცხული შემდეგი კატეგორიის მაგისტრანტების დაფინანსებისათვის:

ა) 22 500 (ოცდაორი ათას ხუთასი) ლარი მაგისტრანტებისათვის, რომლებიც არიან საქართველოს ტერიტორიული მთლიანობისათვის ბრძოლაში დაღუპულთა და უგზო-უკვლოდ დაკარგულთა შვილები.

ბ) 22 500 (ოცდაორი ათას ხუთასი) ლარი მაგისტრანტებისათვის, რომლებიც არიან მკვეთრად/მნიშვნელოვნად/ზომიერად გამოხატული შეზღუდული შესაძლებლობის მქონე პირები.

გ) 160 000 (ას სამოცი ათასი) ლარი მაგისტრანტებისათვის, რომლებიც რეგისტრირებული არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლი ან ნაკლებია 70 000-ზე.

პროფესიული განვითარება

მასშტაბური პროექტის პირველი ნაბიჯები



მასშტაბური პროფესიული განვითარების პროექტის სტრატეგია

ათასწლეულის გამოწვევის ფონდის პროექტის „მასშტაბური პროფესიული განვითარება“ ფარგლებში...

ლიდერობის აკადემია სამ ეტაპად განსწავლავს 160 საკონტაქტო საათის განმავლობაში...



ფარგლებში, ტრენინგები მასშტაბურად დაიწყება და პირველი ნაბიჯი 9 ათას პედაგოგს...

შესატყვის ინფორმაცია მიიღოს. შესაძლოა ეს იყოს მცირე-კონტინგენტიანი სკოლის დირექტორი ან დირექტორი...

როდის გაგრძელდება ლიდერობის აკადემია 1 დარჩენილი დირექტორებისთვის და როდის იგეგმება მეორე ეტაპის დაწყება?

აკადემია პირველი ტრენინგები სექტემბრის მეორე ნახევრიდან გაგრძელდება, მათთვის, ვინც პირველ ნაკადში ვერ მოხვდა...

ლიდერობის აკადემია 2 მას შემდეგ დაიწყება, რაც აკადემია 1 მთლიან ციკლს დაასრულებს ქართულენოვანი სკოლებისთვის...

ლიდერობის აკადემია 2 დაიწყება 2016 წლის დეკემბრიდან და 2017 წლის ზაფხულში დასრულდება...

შესაძლოა ცვლილებები განხორციელდეს და არსებული კადრები, სხვადასხვა მიზეზის გამო, ახალი დირექტორებით ჩანაცვლდნენ...

ჩვენ ამისთვისაც მზად ვართ ტექნიკურადაც და ფინანსურადაც, რადგან ბიუჯეტში გათვალისწინებულია ახალი კადრებით დაკომპლექტებული ჯგუფების მომზადება...

იგეგმება მასწავლებელთა ტრენინგებიც. უფრო კონკრეტულად, ვინ არის სამიზნე ჯგუფი, როდის დაიწყება და რა მოდულს გაივლიან პედაგოგები?

რაც შეეხება მასწავლებლებს, ჩვენი პროექტის სამიზნე

მასწავლებელთა და სკოლის დირექტორთა პროფესიული განვითარების პროექტის ფარგლებში „ლიდერობის აკადემია 1“ ამოქმედდა...

ძალიან მნიშვნელოვანია, რომ 1400 დირექტორი, ჩვენი პროგრამის ფარგლებში, ახალი სასწავლო წლის დაწყებაზე...

როგორც გითხარით, ტრენინგები რამდენიმე ნაკადად წარიმართა და, საერთო ჯამში, 15 აგვისტოდან 3 სექტემბრის ჩათვლით, 1400-მდე დირექტორმა ლიდერობის აკადემიის პირველი საფეხური გაიარა...

სკოლა და როგორ. ასევე, კარგად უნდა ჰქონდეს გააზრებული და იცოდეს, როგორ მოახდინოს გეგმებისა და სტრატეგიების მონიტორინგი...

ლიდერობის აკადემიის პირველი საფეხურის შემდეგ, ადგილობრივად ჩატარდება კვარტალური შეხვედრები, რომლის ორგანიზება უკვე მიმდინარეობს...

როგორ აპირებთ უნიფიცირებული მეთოდით 2085 დირექტორის გადამზადებას მაშინ, როცა ვიცით, რომ კონტექსტი სრულიად განსხვავებულია ერთმანეთისგან...

მოდულების შექმნის დროს სწორედ ამას მივაქციეთ ყურადღება. სასწავლო მიზნები განსაზღვრულია ისე, რომ შესაძლებელი იყოს ზოგად ტენდენციებსა და კომპეტენციებზე აქცენტის გაკეთება...



პროფესიული განვითარება

ჯგუფი 18 ათასზე მეტი მასწავლებელია - VII-XII კლასების ქიმიის, ფიზიკის, ბიოლოგიის, მათემატიკის, ინგლისურისა და გეოგრაფიის პედაგოგები. დამუშავებულია მათი მონაცემთა ბაზა, მასწავლებლები ორ ნაკადად გაიყოფიან და პირველი ნაკადი - 9 ათასზე მეტი მასწავლებელი - ტრენინგებს ოქტომბრიდან დაიწყებს. პედაგოგები დეტალურ ინფორმაციას რესურსცენტრების მეშვეობით მიიღებენ. რეგიონულად შერჩეულია 65 პარტნიორი სკოლა, სადაც ტრენინგები ჩატარდება. სკოლები იმ ნიშნით შევარჩიეთ, რომ ადვილად მისაღწევი იყოს მიმდებარე სკოლების მასწავლებლებისათვის, ისიც გავითვალისწინეთ, რომ სკოლას პარალელურ რეჟიმში შეეძლოს რამდენიმე ჯგუფის მიღება. ტრენინგები მიყოლებით ოთხ შაბათ-კვირას ჩატარდება.

მასწავლებლების მომზადების პროგრამაც გრძელვადიანია და გულისხმობს 36 საკონტაქტო საათის ზოგად უნარებში, შემდეგ კი საგნობრივ მეთოდოლოგიას, აქტიურ სწავლებას. მასწავლებლებს ზოგად პროფესიულ უნარებში ექნებათ სამი მოდული, თითოეული 12-საათიანია, მოდულებს შორის კი სასწავლო შეხვედრები გაიმართება სკოლებში. ყოველი მოდულის ჩატარების შემდეგ განიხილავენ იმ შედეგებს, რაც სკოლებში მიიღეს.

რაც შეეხება ვადებს - პირველი ნაკადის მასწავლებლები პროფესიული უნარებისა და საგნობრივი მეთოდოლოგიის სრულ კურსს მომავალი წლის ზაფხულში დაასრულებენ. სექტემბერიდან კი ტრენინგები მეორე ნაკადის მასწავლებლებისთვის დაიწყება.

საკმაოდ მასშტაბური პროექტია, რადგან მასწავლებელთა რაოდენობაც და გეოგრაფიაც დიდია, ამიტომ პარალელურ რეჟიმში ვერ შევძლებთ მეორე ნაკადის გადამზადებას. პირველ ნაკადთან, დაახლოებით, 130 ტრენინგი იმუშავებს. მეორე ნაკადის გადამზადება, როგორც გითხარით, 2017 წლის სექტემბერში დაიწყება და 2018 წლის ზაფხულში დასრულდება. პროექტის შემდეგი პერიოდი სასწავლო შეხვედრების რეჟიმში გაგრძელდება. ასევე გათვალისწინებული გვაქვს ლაბორატორიებში მომუშავე მასწავლებლების ტრენინგები. როგორც იცით, ათასწლეულის გამოწვევის ფონდი საქართველოში სკოლების კონკრეტული რაოდენობის ლაბორატორიებით აღჭურვას იწყებს. სამინისტროს აქვს გეგმა, რომ ეს პროცესი გააგრძელოს და დანარჩენი სკოლებიც იმავე სტანდარტებით აღჭურვოს ლაბორატორიებით. პროექტის დასრულებამდე გადამზადდებიან ის მასწავლებლები, ვისაც ლაბორატორიებში მოუწევს მუშაობა. ამ მიმართულებით, სექტემბერში, უცხოელი კონსულტანტის მიერ, ტრენინგთა ტრენინგები იგეგმება. შემოდგომაზე დაიწყებთ მასწავლებლების გადამზადებას ლაბორატორიების უსაფრთხოების ნაწილში. ეს არის გაიდლაინი მასწავლებლებისათვის იმ უსაფრთხოების წესებზე, რომელიც ლაბორატორიებში უნდა დაიცვან.

ტრენინგები 15 ოქტომბრიდან დაიწყება. ინფორმაციას იმის შესახებ, რომელ ნაკადში და რომელ სკოლაში გაივლიან

ტრენინგს მასწავლებლები, სასწავლო პროცესის დანების შემდეგ, რესურსცენტრების მეშვეობით მიიღებენ.

რა პრინციპით შეარჩიეთ ის 9 ათასი მასწავლებელი, რომელიც პირველ ნაკადში მოხვდა?

პირველი ნაკადის დაკომპლექტებისას ძირითადად ყურადღებას საგნობრივ დაჯგუფებას ვაქცევდით, თუმცა შერეული ჯგუფებიც გვაქვს, რადგან პირველი ეტაპის ტრენინგები მაინც უფრო მეტად ზოგად პროფესიული ხასიათისაა და გულისხმობს მოსწავლეზე ორიენტირებული მიდგომების და შესაბამისი ინსტრუმენტების დანერგვის მიმართულებას. ჯგუფები შერეულია მასწავლებლების სტატუსის თვალსაზრისითაც, არიან როგორც პრაქტიკოსები, ისე უფროსი და ნამყვანი პედაგოგები. შესაბამისად, ჩვენთვის ამოსავალი მაინც იყო: საგანი, რეგიონი და ლოკაციები - სკოლები, რომ ეს ადამიანები დაგვეჯგუფებინა შესაბამისად. როგორც გითხარით, ჯგუფები შერეულია და დაკომპლექტებულია მაქსიმალურად ისე, რომ საგნები ერთმანეთთან იყოს მიმაგრებული, რადგან მათ სასწავლო შეხვედრებზე მუშაობა უფრო გაუმარტივდება. ყველა სატრენინგო ჯგუფში ჩასმულია ფასილიტატორი. პროგრამის ფარგლებში, სკოლებს ვთხოვეთ, წარმოედგინათ პროგრამის ფასილიტატორი - ადამიანი, რომელიც სკოლაში იმ საგნებს ასწავლის, რომელიც პროგრამის სამიზნე ჯგუფია. ამასთან ერთად, წარმოედგინოთ ფასილიტატორს მალაღობი რეპუტაცია აქვს, შეუძლია პროგრამასთან ითანამშრომლოს და მასწავლებლებს ტრენინგის შემდგომი აქტივობების სკოლებში გადატანაში დაეხმაროს. შესაბამისად, ეს ადამიანები - პროგრამის ფასილიტატორები სასწავლო ჯგუფებსაც გაუძღვებიან ტრენინგის შემდეგ და ჩვენთან მუდმივ კომუნიკაციაში იქნებიან, დააკვირდებიან, როგორ მიმდინარეობს სკოლებში პროცესები. სკოლაში თითო ფასილიტატორი მაინც უნდა იყოს, აქედან გამომდინარე, დაახლოებით, 2085 ფასილიტატორს მოვამზადებთ, რომლებიც, კიდევ დავაკონკრეტებ, ამ ექვსი საგნიდან ერთ-ერთს წარმოადგენს. ფასილიტატორები ტრენინგებს დირექტორებთან ერთად გაივლიან და, ფაქტობრივად, მათი დამხმარეები იქნებიან სკოლაში 21-ე საუკუნის მახასიათებლების გარემოს შექმნაში.

შეიძლია გითხრათ, რომ მასწავლებელთა პირველ ნაკადში ყველა საგნის და რეგიონის პედაგოგი მოხვდა, თუმცა აქცენტები რაოდენობრივად მაინც ისეთ რეგიონებზე გაკეთდა, სადაც უფრო მრავალრიცხოვანია ამ საგნების მასწავლებლების რაოდენობა. არ გამოვრიცხავთ, რომ შეიძლება ნაკადებში ცვლილებები განხორციელდეს მონაცემების რესურსცენტრებში გაგზავნის შემდეგ. პროექტის ფარგლებში შეთავაზებული პროფესიული განვითარების საშუალებით 2019 წლისათვის ყველა მე 7-12 კლასების ფიზიკის, ქიმიის, ბიოლოგიის, მათემატიკის, ინგლისურისა და გეოგრაფიის მოქმედი მასწავლებელი ისარგებლებს, მიუხედავად მათი სტატუსისა და რეგიონული ადგილმდებარეობისა.

ესაუბრა ლალი ჯალაძე



ინკლუზიური განათლება

მემორანდუმი ყრუ პირთა ხარისხიანი განათლების ხელშეწყობის მიზნით

ლალი ჯალაძე

მასწავლებელთა პროფესიული განვითარების ეროვნულმა ცენტრმა საქართველოს ყრუთა კავშირთან ერთობლივად ურთიერთთანამშრომლობის მემორანდუმი გააფორმა. ღონისძიებას ყრუთა თემის, განათლებისა და მეცნიერების სამინისტროს და არასამთავრობო ორგანიზაციების წარმომადგენლები ესწრებოდნენ.

მემორანდუმის მიზანია ყრუ პირთა ხარისხიანი განათლების, დასაქმებისა და საზოგადოებრივ ცხოვრებაში სრულფასოვანი ინტეგრაციის ხელშეწყობა, ასევე შესტური ენის განვითარება და სწავლება, როგორც ყრუ პირებისთვის, ასევე ნებისმიერი სმენის მქონეებისთვის, ვინც ყრუ პირთან ამაყრებს კომუნიკაციას.

საქართველოს ყრუთა კავშირის პრეზიდენტმა, ამირან ზატატუნაშვილმა განაცხადა, რომ შესტური ენის განვითარებას ათეულობით წელი ელოდებოდნენ: „შესტური ენის განვითარებას უდადესი მნიშვნელობა აქვს, რადგან ეს პირდაპირ ნიშნავს სწავლების მხარდაჭერას, ასევე, პედაგოგებისა და თარჯიმნების გადამზადებას. მთელი ცხოვრება, აქამდე, აბსოლუტურად გაუგებარი იყო მათთვის სასწავლო პროცესში მონაწილეობა. თქვენ წარმოგიდგინათ, რომ მხოლოდ ბავშვებთან ამოკითხვის მეთოდოლოგია იყო სასწავლო პროცესში ჩართული, რაც იმას ნიშნავდა, რომ სრულყოფილად ინფორმაციას ვერ იღებდნენ. დღეს კი შესტური ენა განათლების სამინისტროსგან აღიარებულია როგორც სასწავლო ენა. ძალიან დიდხანს, ათეული წლები ელოდებოდით ამ დღეს. შესტური ენა ვითარდება და ჩვენი სმენადაქვეითებული ბავშვები ძალიან ბედნიერები არიან.“

მემორანდუმის ფარგლებში, მხარეები უზრუნველყოფენ შესტური ენის სწავლებისთვის საჭირო ტრენინგ-მოდულების შემუშავებას და ჩატარებას.

მარიკა ზაქარეიშვილი, განათლებისა და მეცნიერების სამინისტროს ინკლუზიური პრო-

ფესიული განათლების პროექტის დირექტორი: „დღეს ვაფორმდა მემორანდუმი ყრუთა კავშირსა და მასწავლებელთა პროფესიული განვითარების ცენტრს შორის. ამ პროცესში ჩართულია განათლებისა და მეცნიერების სამინისტრო, მისი როლი დაფინანსების საკითხის მოგვარება იყო, ხოლო შინაარსობრივი ნაწილის - მეთოდოლოგია, ჯგუფების შექმნა და ა.შ. - ორგანიზებას მასწავლებელთა პროფესიული განვითარების ეროვნულ ცენტრს აკისრია.“

მემორანდუმის ხელმოწერის ღონისძიებაზე ცენტრის ტრენინგებმა გააკეთეს პრეზენტაციები ცენტრის მიერ შესტური ენის სწავლების ხელშეწყობისთვის განხორციელებული აქტივობების შესახებ. 2015 წელს, ნორვეგიული გრანტის „ინკლუზიური განათლების დანერგვა პროფესიული განათლებისა და გადამზადების სისტემაში“ ფინანსური და მეთოდოლოგიური მხარდაჭერით, ცენტრმა დაასაქმა შესტური ენის მცოდნე, მათ შორის ყრუ ტრენინგები და შეიმუშავა შესტური ენის სასწავლო კურსები. აღნიშნულ კურსებს დაესწრნენ და შესტური ენა შეისწავლეს როგორც თავად ყრუ პირებმა, ასევე ყრუ პირების სოციალური გარემოს წარმომადგენლებმა, მასწავლებლებმა, მშობლებმა, ოჯახის სხვა წევრებმა, მეგობრებმა და თანაკლასელებმა. ცენტრმა ასევე მოამზადა შესტური ენის თარჯიმნები.

მასწავლებელთა პროფესიული განვითარების ეროვნული ცენტრის ინკლუზიური და სპეციალური განათლების კონსულტანტი ჟანა კვაჭაძე ამბობს, რომ მართლაც მნიშვნელოვანი დღეა და ეს ყველაფერი ყრუთა განათლების, შესტური ენის დანერგვისა და ყრუთა საზოგადოებაში ინტეგრაციის საკითხებს ეძღვნება.

„სახელმწიფოს ამაში გარკვეული პასუხისმგებლობა და როლი აკისრია, მათ შორის მნიშვნელოვანია თითოეული სტრუქტურის როლიც - ყრუთა კავშირისა და ცენტრის. ამიტომაც ჩვენ გადავწყვიტეთ, რომ თანამშრო-

ლობისთვის ოფიციალური სახე მიგვეცა და მემორანდუმი გაგვეფორმებინა. თუმცა, ეს თანამშრომლობა ორი წელია, რაც მიმდინარეობს და, ძირითადად, როგორც გითხარით, შესტური ენის ხელშეწყობას ემსახურება.“

მასწავლებლის სახლი 2014 წლიდან შეიმუშავებს და ატარებს შესტური ენის კურსებს სხვადასხვა სამიზნე ჯგუფისთვის. პირველი რიგში, ესენი არიან ყრუ პირები, რომელთა შესტურ ენას განვითარება სჭირდება, რადგან შეიძლება სხვადასხვა მიზეზის გამო ყრუ ადამიანმა ვერ დახვეწა შესტური ენა. მას არ ჰქონდა სათანადო გარემო და ამიტომაც აუცილებლად სჭირდება მის ენას განვითარება, ამისთვის კი შეუძლია მოვიდეს მასწავლებლის სახლში და გაიაროს კურსები, რადგანაც მიგვაჩნია, რომ ენა არის სასწავლო შესაბამისი ენობრივი გარემოს გარეშე, ამიტომ მათ მიკროსოციუმსაც - ოჯახის წევრი, თანამშრომელი, თანაკლასელი ან თანაკურსელი - ვთავაზობთ შესტური ენის კურსის გავლას მასწავლებლის სახლში. აქედან გამომდინარე, სხვადასხვა ჯგუფისთვის შევექმნით შესტურ-

რი ენის შემსწავლელი კურსი, მათ შორის თარჯიმნებისთვისაც. მინდა გითხრათ ისიც, რომ მხოლოდ მასწავლებელთა სახლი არ ახორციელებს ამ პროექტებს, მის განხორციელებაში დაგვეხმარა ნორვეგიის გრანტი. გარდა დაფინანსებისა, მათგან ძალიან მნიშვნელოვანი მეთოდოლოგიური მხარდაჭერა და გამოცდილების გაზიარება მივიღეთ. ნებისმიერ საკითხში დიდი მხარდაჭერა გვაქვს ყრუთა კავშირის მხრიდანაც, დანერგული სატრენინგო სივრცის შერჩევიდან და დამთავრებული ტრენინგებისა და მონაწილეების შერჩევით, ყრუთა თემთან დაკავშირებით და ა.შ. დღეს გადავწყვიტეთ, ფართო პუბლიკისთვის გავგვეცნო ჩვენ მიერ განხორციელებული აქტივობები, სამომავლო გეგმები და მიზნები და ჩვენი თანამშრომლობისთვის ასეთი დემონსტრაციული სახე მიგვეცა.“

მემორანდუმის გაფორმების ღონისძიებაზე არასამთავრობო ორგანიზაციამ „ბავშვი, ოჯახი, საზოგადოება“ ცენტრს სმენისა და მხედველობის დარღვევის მქონე ბავშვთათვის წერა-კითხვის სასწავლო მასალები გადასცა.



განათლება უსსოთში

მომავლის ლიდერები ამერიკული გამოცდილებით

FLEX - მომავალ ლიდერთა გაცვლითი პროგრამა 24-ე წელია, რაც საქართველოში წარმატებით ხორციელდება. ყოველწლიურად საქართველოს ზოგადსაგანმანათლებლო სკოლების უფროსებსა და მათს ეხმარებათ შეესაუბრონ ისწავლონ ამერიკულ სკოლაში და გაეცნონ ამერიკის კულტურას. პროგრამა სრულად ფინანსდება აშშ-ს სახელმწიფო დეპარტამენტის მიერ. მისი უპირველესი მიზანია, ამერიკის ქვეყნის ახალგაზრდებს შორის ურთიერთობის გაღრმავება. გვესაუბრება გაცვლითი პროგრამის კოორდინატორი საქართველოს განათლების ამერიკული საბჭოს ფილიალის საქართველოში ქრისტი მილორაძე



- რამდენი წელია, რაც საქართველოში FLEX - მომავალ ლიდერთა გაცვლითი პროგრამა ხორციელდება, რა არის პროგრამის მიზანი?

- მომავალ ლიდერთა გაცვლითი პროგრამა (FLEX) ზოგადსაგანმანათლებლო სკოლების მოსწავლეთათვისა განკუთვნილი და სრულად ფინანსდება აშშ-ს სახელმწიფო დეპარტამენტის მიერ, 1993 წლიდან მოყოლებული. FLEX პროგრამის უპირველესი მიზანია, ამერიკის ქვეყნის ახალგაზრდებს შორის გააღრმავოს ურთიერთობა, რის საშუალებასაც ახალგაზრდებს პირად გამოცდილებაზე დაყრდნობით აძლევს. ისინი შეისწავლიან აშშ-ს მთავრობის სისტემას, ამერიკული ცხოვრების სტილს, სამოქალაქო საზოგადოების ჩართულობას და სხვა ამერიკულ ღირებულებებს. 1993 წლიდან FLEX-ის გაცვლითი პროგრამამ დაფინანსება გაუწია საშუალო სკოლის 23 000 მოსწავლეს, სხვა ქვეყნების მოსწავლეთა ჩათვლით, მათ შორის, დაახლოებით 2000-მდე მონაწილე საქართველოს მოქალაქეა. 2016-2017 წელს 800 სტუდენტი ჩაირიცხა ამერიკაში FLEX-ის პროგრამის ფარგლებში, მათ შორის - ქართველი.

- რატომ უნდა აირჩიონ ქართველმა მოსწავლემ FLEX პროგრამა, რით არის განსაკუთრებული და მნიშვნელოვანი?

- FLEX-ის პროგრამა უნიკალური პროგრამაა, რომელიც ქართველ მოსწავლეს შესაძლებლობას აძლევს, სრულიად უსასყიდლოდ, ერთი აკადემიური წელიწადი ამერიკის შეერთებულ შტატებში გაატარონ. ეს ერთადერთი ფართომასშტაბიანი და ხანგრძლივი გაცვლითი პროგრამაა, რომელსაც ამერიკის მთავრობა სრულად აფინანსებს. მასში მონაწილე მოსწავლეს ეძლევა უნიკალური შანსი, იცხოვროს და ისწავლოს ამერიკულ საზოგადოებაში, საქართველო გააცნოს ამერიკელებს და ღირსეული ამერიკული ღირებულებებით ჩამოვიდეს საქართველოში, რასაც მოგივანებით ქართველებსაც აცნობს. ამერიკის მთავრობას მნიშვნელოვანად მიაჩნია ახალგაზრდა თაობისთვის მრავალმხრივი შესაძლებლობების შექმნა, რომლებიც განავითარებს მათ გლობალურ პერსპექტივას სახლში, სამსახურსა თუ საერთაშორისო ურთიერთობებში ნათელი მომავლის იმედის გა-

საძლიერებლად და ამისათვის FLEX ერთადერთი უნიკალური შესაძლებლობაა.

- რა კრიტერიუმებს უნდა აკმაყოფილებდეს პროგრამის მონაწილე, რამდენჯერ შეუძლია მოსწავლეს კონკურსში მონაწილეობა, როდის ცხადდება კონკურსი, რამდენ ტურად და რამდენი ცენტრი იხსნება კონკურსისთვის საქართველოს მასშტაბით?

- FLEX პროგრამაში მონაწილეობის მიღება IX-XI კლასების მოსწავლეს შეუძლიათ, რომლებიც ასაკობრივ კრიტერიუმებსაც უნდა აკმაყოფილებდნენ, თუმცა, ზოგადად, 14-16 წლის მოზარდებს, ვისაც კარგი აკადემიური მოსწრება აქვთ, ფლობენ ინგლისურს, საშუალო დონეზე მანერა, ამერიკაში არ უცხოვრიათ, ბოლო 5 წლის განმავლობაში, 3 თვეზე მეტხანს და საქართველოს მოქალაქეები არიან, შეუძლიათ საკუთარი შესაძლებლობები კონკურსში მონაწილეობით მოსინჯონ. მოსწავლეს, ასაკობრივი და კლასის შეზღუდვებიდან გამომდინარე, პროგრამის შესარჩევ კონკურსში სამჯერ შეუძლია მონაწილეობა. ხშირად შემთხვევები, როცა პირველ ჯერზე წარუმატებელ კანდიდატს მეორე წელს გაუმარჯვია ან ზოგიერთს სამჯერ უცდია ბედი და მესამე ჯერზე გამხდარა პროგრამის ფინანსისტი. ხანდახან პირველივე ჯერზე იმარჯვებს ძალიან მონდომებული კანდიდატი და ყველაზე მთავარია, რომ საკუთარი მონდომებით ღირსეული მოსწავლე აუცილებლად ხდება FLEX პროგრამის ფინანსისტი.

რაც შეეხება წლებად კონკურსს, ახალი სასწავლო წლის დაწყებისთანავე ცხადდება და მთელ საქართველოს მოიცავს. ტესტირება 11 ქალაქში ტარდება და მასში მონაწილეობა ნებისმიერი რეგიონის წარმომადგენელს შეუძლია. კონკურსი სამ ეტაპად დაყოფილი: პირველი ეტაპი მარტივი ინგლისურის ტესტს მოიცავს, რომელიც 16 შეკითხვა და 15 წუთში 4 სავარაუდო პასუხს ირჩევს მოსწავლე. ამ ტესტის შედეგები იმ დღესვე კომპიუტერიზებული სისტემის მეშვეობით მონდობა და დღის ბოლოს პირველ რაუნდში გამარჯვებულ მონაწილეთა სია ცხადდება. მეორე ეტაპი მოიცავს მხოლოდ სამ შეკითხვას, რომელზეც მოსწავლემ ესეს სახით უნდა გასცეს პასუხი. მეორე რაუნდში გამარჯვებულები, ერთი თვის შემდეგ, მონაწილეობენ კომპლექსურ

მესამე რაუნდში, რომელიც მოიცავს: გასაუბრებას, ჯგუფურ სავარჯიშოს, ინგლისურის ტესტს, ესეს და აპლიკაციას. მონაწილეების ყველა მონაცემი იგზავნება ვაშინგტონში და ღირსეულ კანდიდატებს ამერიკელი დამოუკიდებელი ექსპერტები ირჩევენ. ფინანსისტიების სია საქართველოში მათის დასახელებით ჩამოვლით და მის საფუძველზე ეცნობებათ გამარჯვებულ კანდიდატებს თავიანთი მიღწევები. ამ ეტაპების გადალახვის შემდეგ ამერიკაში გასამგზავრებელი ეტაპი იწყება.

2016 წელს FLEX-ის პროგრამის კონკურსი ცხადდება შემდეგ რაიონებში: მარნეული - 21 სექტემბერი, 10:00სთ, მე-5 საჯარო სკოლა; თელავი - 24 სექტემბერი, 10:00სთ, მე-7 საჯარო სკოლა; რუსთავი - 26 სექტემბერი, 10:00სთ, მე-4 საჯარო სკოლა; გორი - 27 სექტემბერი, 10:00სთ, მე-3 საჯარო სკოლა; ბათუმი - 1 ოქტომბერი, 10:00სთ, მე-10 საჯარო სკოლა; ქუთაისი - 1 ოქტომბერი, 10:00სთ, მე-3 საჯარო სკოლა; ზუგდიდი - 3 ოქტომბერი, 10:00სთ, №1 საჯარო სკოლა; ბორჯომი - 10 ოქტომბერი, 10:00სთ, მე-3 საჯარო სკოლა; ნინოწმინდა - 10 ოქტომბერი, 10:00სთ, №1 საჯარო სკოლა; ახალციხე - 12 ოქტომბერი, 10:00სთ, მე-5 საჯარო სკოლა; თბილისი - 19 ოქტომბერი (მხოლოდ შშმ მოსწავლეთათვის), 10:00სთ, ამერიკული საბჭოს ოფისი; თბილისი - 22 ოქტომბერი, 10:00სთ, 55-ე საჯარო სკოლა.

დამატებითი ინფორმაციისთვის დაინტერესებულ პირებს შეუძლიათ ეწვიონ ჩვენს ვებგვერდს: www.americancouncils.ge

- ინგლისური ენის რა დონეს უნდა ფლობდეს მოსწავლე პროგრამაში მონაწილეობის მისაღებად?

- საშუალო დონის ინგლისურის ცოდნა სრულიად საკმარისია პროგრამაში გასამარჯვებლად. ენის ცოდნა არ არის უმთავრესი პირობა ამ პროგრამაში გასამარჯვებლად და შესაბამისად, ინგლისურის მაღალი დონეც არ არის პროგრამის მოთხოვნა. ენის ცოდნას მხოლოდ პირველ რაუნდში ექცევა ყურადღება, სადაც ტესტის კარგად დასაწერად საშუალო დონის ცოდნა საკმარისია, ხოლო ამ რაუნდის შემდეგ ინგლისურის ცოდნას მნიშვნელობა საერთოდ აღარ ენიჭება და მთავარი ხდება მოსწავლის პიროვნული მახასიათებლები. რა თქმა უნდა, რაც უფრო კარგად იცის მოსწავლემ ენა, მით უკეთ შეუძლია საკუთარი აზრის გამოხატვა და ეს ეხმარება თემების და გასაუბრების დროს საკუთარი თავის წარმოსაჩენად. ყოველწლიურად გვყავს გამარჯვებულები, რომელთაც სპეციალური ენის კურსებზე ვაგზავნი სპეციალურად ბანაკში, რათა ამერიკაში საცხოვრებლად უკეთესი ენის ცოდნით გაემგზავრონ და ამან ადაპტაციაში ხელი არ შეუშალოთ. ეს კიდევ ერთხელ ადასტურებს, რომ FLEX-ის პროგრამაში გასამარჯვებლად ინგლისურის ცოდნა გადაწყვეტი არ არის, მთავარია, მოსწავლის პიროვნული თვისებები.

- შეუძლიათ თუ არა პროგრამაში მონაწილეობა შეზღუდული შესაძლებლობის მქონე მოსწავლეს და არის თუ არა ასეთი პირებისთვის განსხვავებული ასაკობრივი და სასკოლო კრიტერიუმები?

- საშუალო სკოლის შეზღუდული შესაძლებლობის მქონე მოსწავლეს ასევე მონაწილეობენ პროგრამაში. პროგრამის ფარგლებში, ყოველწლიურად, დაახლოებით, შეზღუდული შესაძლებლობის მქონე 10-15 მოსწავლე მიემგზავრება შტატებში. მაგალითად, შარშან FLEX-ის პროგრამით ასეთი 3 ქართველი მოსწავლე სწავლობდა შტატებში. ყოველწლიურად ვეძებთ შშმ მოსწავლეს, რათა მათ შეძლონ პროგრამაში მონაწილეობა, მათთვის ასაკობრივი პარიერი 14-17 წლის ჩათვლითაა. კონკურსის სხვა მოთხოვნები შშმ მოსწავლეთათვისაც იგივეა, მაგრამ მოსწავლის საჭიროებებიდან გამომდინარე, ასევე, ვატარებთ სპეციალურ ტესტებს და ხელს ვუწყობთ, რომ ტესტირება ადაპტურ გარემოში ჩატარდეს.

- პროგრამას ორგანიზებას საერთაშორისო განათლების ამერიკული საბჭოები უწევს, გვიამბეთ ამ ორგანიზაციის შესახებ...

- ორ ათეულ წელზე მეტია, რაც ჩვენი გაცვლითი პროგრამების განხორციელება დაიწყო საქართველოში და მას შემდეგ, საერთაშორისო განათლების ამერიკული საბჭოებმა სამართლიანად მოიპოვა საუკეთესო რეპუტაცია და, ქვეყნის მასშტაბით, უამრავ ადამიანს სთავაზობს სხვადასხვა შესაძლებლობებს. ამჟამად, ამერიკული საბჭოების საქართველოს ოფისი ადმინისტრირებას უწევს დიდი რაოდენობით საგანმანათლებლო და გაცვლით პროგრამებს ისევე, როგორც წერით და ინტერნეტ ტესტებს.

საერთაშორისო განათლების ამერიკული საბჭოები მხარს უჭერს მკვლევართა მუშაო-



განათლება უსსოთში

ბას და საზღვარგარეთ სწავლებას საგანმანათლებლო პროგრამების მეშვეობით, რომლებიც მიზნად ისახავს ენის, კულტურის და რეგიონის შესწავლას. ჩვენ წვლილი შევავსებთ ახალი განათლების შექმნაში, უფრო ფართო პროფესიული პერსპექტივების ჩამოყალიბებაში, პერსონალურ და ინტელექტუალურ ზრდაში საერთაშორისო ტრენინგებით, აკადემიური გაცვლითი პროგრამებით, ერთობლივი განათლების განვითარებით და საჯარო დიპლომატიით. ამერიკული საბჭოები ისწავლის, გააფართოოს დიალოგი სტუდენტებს, მკვლევრებს, მასწავლებლებსა და პროფესიონალებს შორის სწავლების გასაუმჯობესებლად და ურთიერთპატივისცემის დაწინაურების იმ მრავალფეროვან თემსა და საზოგადოებაში, რომელშიც მსოფლიოს მასშტაბით ვმუშაობთ.

– ვინ აფინანსებს FLEX-ის პროგრამას?

– პროგრამას სრულად აფინანსებს ამერიკის სახელმწიფო დეპარტამენტი და, უკვე 24 წელია, სკოლის მოსწავლეებს სთავაზობს ამ უნიკალურ შესაძლებლობას. პროგრამის ფარგლებში იფარება შემდეგი ხარჯები:

- მგზავრობის ორივე გზა (საკუთარი ქვეყნიდან შეერთებულ შტატებამდე და უკან);
- ყოველთვიური სტიპენდია, რომელიც ეხმარება სტუდენტს ჩაერთოს აქტივობებში ადგილობრივ დონეზე და, აგრეთვე, შეიძინოს საჭირო პირადი ნივთები;
- მასპინძელი ოჯახების მოძიების ხარჯები;
- ამერიკის საჯარო სკოლებში ჩარიცხვასთან დაკავშირებული ხარჯები;
- პროგრამის ტრენინგების ხარჯები, გაფრენის ნიჩა და ჩამოსვლის შემდგომი ორიენტაციები;
- ადგილობრივ დონეზე ორგანიზებული პროგრამის აქტივობები;
- ჯანმრთელობის დაზღვევა (მანამდე არსებული დაავადებებისა და პროფილაქტიკური სტომატოლოგიური მომსახურების გამოკლებით).

– პროგრამის შესაძლო უარყოფითი მხარეები...

– პროგრამაში მონაწილეობის მსურველებმა უნდა გაითვალისწინონ პროგრამის უარყოფითი მხარეები, რომელიც შემდგომში მდგომარეობს:

- შესაძლოა პროგრამის მონაწილეებმა ეროვნულ/სასკოლო გამოცდებს ვერ ჩამოუსწრონ;
- შესაძლოა, დაბრუნების შემდეგ მოუწიოს ჯარში სამსახური;
- შესაძლოა, არ ჩაეთვალთ ამერიკაში გავლილი სასწავლო წელი (განათლების სამინისტროს და სკოლის ადმინისტრაციის პერეოგრაფიკა, ჩათვლის თუ არა);
- შესაძლოა, ვერ მიიღონ ოქროს მედალი, რომელსაც სკოლა გაცემს;
- აკადემიური პროგრამა, რომელიც ამერი-

კაში ისწავლება, განსხვავებულია ქართული სკოლების პროგრამისგან და შესაძლოა, ვერ ისწავლონ საქართველოში არსებული სტანდარტული საგნები.

– რა შეგიძლიათ გვითხრათ მასპინძელ ამერიკულ ოჯახებთან დაკავშირებით, რატომ აწყავს მასპინძელ ოჯახს გაცვლითი სტუდენტი?

– მოგეხსენებათ, ამერიკა ძალიან დიდი ქვეყანაა, ბევრი მაცხოვრებელიც აქვს. სიმრავლის და მრავალფეროვნების გამო, არ არსებობს სტანდარტული ამერიკული მასპინძელი ოჯახი ან სტანდარტული მიზეზი, თუ რატომ მასპინძლობენ ისინი გაცვლით სტუდენტებს. თუმცა, გამოცდილებიდან გამომდინარე, მიზეზები შესაძლოა დაეყოს შემდეგ კატეგორიებად:

- ზოგიერთმა მასპინძელმა ოჯახმა, შესაძლოა, გაცვლითი სტუდენტი იმისთვის აიყვანოს, რომ თავიანთი უმცროსი ან უფროსი შვილებისთვის კარგი მაგალითის მიმცემი ესაჭიროებათ, ვისთანაც დამეგობრდებიან;
- შესაძლოა, განსხვავებული კულტურის შესახებ ობიექტური ინფორმაციის მიღება სურთ;
- შესაძლოა, ასევე, თავიანთი შვილებისთვის და-ძმის ყოლის გამოცდილების მისაღებად;
- ზოგიერთ მასპინძელს კი, შესაძლოა გაუჩნდეს სურვილი, გამოხატოს დაინტერესება ოჯახის რომელიმე წევრის ღირებულებების მიმართ, რომელიც გატაცებულია კონკრეტული ქვეყნის კულტურის შესწავლით და იმ ქვეყნის გაცვლითი სტუდენტი აიყვანოს, რათა ეს კულტურა უფრო ახლოდან გაიცნოს;
- ზოგიერთმა კი შესაძლოა, სულაც იმიტომ აიყვანოს, რომ ამერიკული კულტურისა და ნებს-ჩვეულებების გაზიარების სურვილი აქვს და მშობლიური მზრუნველობის გამოხატვა სურს სამაგალითო მიზანდების მიმართ, რადგან გაცვლითი სტუდენტები მართლაც ძალიან სამაგალითონი არიან.

მასპინძელი ოჯახის პორტრეტი კი, 24-წლიანი გამოცდილების ფონზე, შემდეგნაირად გამოიყურება: მასპინძელი მშობლების ასაკი, საშუალოდ, 35-50 წლებს შორის მერყეობს, მიუხედავად ამისა, ასაკი შესაძლოა ვარიირებდეს 27-დან 60 წლამდე. როგორც წესი, ისინი მიეკუთვნებიან საშუალო ფენის წარმომადგენლებს. ოჯახში, სადაც ორივე მშობელია წარმოდგენილი, უმეტესწილად, ორივე მათგანი მუშაობს. ზოგიერთი მასპინძელი ოჯახი კი მხოლოდ ერთი მშობლითაა წარმოდგენილი. მასპინძელ ოჯახთა 25%-ს შეადგენს ისეთი ოჯახები, რომელთა შვილები უკვე გაიზარდნენ და დამოუკიდებლად, მშობლებისგან მოშორებით ცხოვრობენ ან არასდროს ჰყოლიათ საკუთარი შვილები.

მასპინძელ ოჯახთა 75%-ს აყავს შვილები, აქედან:

- 26%-ს – ერთი შვილი, რომლის ასაკიც 18 წელს ზემოთ არის;
- 39%-ს – 14-დან 17 წლამდე ასაკის ერთი ან



- მეტი შვილი;
- 22%-ს – 10-დან 13 წლამდე ასაკის ერთი ან მეტი შვილი;
- 13%-ს – ახალშობილი ან 10 წლამდე ასაკის.

– როგორია ქვეყნის წესები მასპინძელ ოჯახებში?

– მასპინძელ ოჯახებში გაცვლითი სტუდენტისგან მოვლიან იმავე წესების დაცვას, რასაც ოჯახის სხვა წევრები იცავენ. გაცვლითი სტუდენტი არ მოიხარება ოჯახის სტუმრად და მას შესაძლოა გარკვეული საყოფაცხოვრებო მოვალეობების შესრულება კი მოუწიოს. პროგრამის განმავლობაში, მონაწილე ეკრძალება ალკოჰოლური და ნარკოტიკული საშუალებების მიღება (მათ შორის თამბაქოსი) და, თუკი ვინმე ამ წესს არღვევს, პროგრამა ძალიან მკაცრია და ასეთ მონაწილეს სტატუსი უწყდება. ამერიკის შეერთებულ შტატებში, პროგრამით გათვალისწინებულ ვადებში, მონაწილეს ეკრძალება ავტომობილისა და მოტოციკლეტის მართვა და მასპინძელი ოჯახები მისგან ამ წესების ზედმინევენით დაცვას მოელონ.

– გაგიზიარეთ FLEX-ის პროგრამის ფინანსისტა მთბეჭდვები?

– „FLEX-ის პროგრამის ფინანსისტობა ისეთი დიდი პატივია, რომ ვერცერთი სიტყვა ვერ გადმოსცემს სრულად რამდენ რაღაცას იღებ მისგან: იცნობ ახალ ადამიანებს, იღებ ახალ ცოდნას, იუმჯობესებ შენს უნარებს და პოულობ შთაგონებას. ამასთან ერთად, ამერიკულ სკოლაში სიარული ცხოვრებისეული გამოცდილების შემცველი ხდება. მომეცა საშუალება ამერიკა საგნები, რომელიც მაინტერესებდა და შემსწავლა ისინი. შევეუერთდი ცეკვის და მხარდაჭერა გუნდს, ვმონაწილეობდი სკოლის ყველა აქტივობაში, გავხდი საგანმანათლებლო კლუბების წევრი, ვესწრებოდი ყველა ლო-

ნისძიებას, როგორცაა Homecoming და PROM, ასევე, დამამთავრებელ ცერემონიას. ეს ყველაფერი კი, ერთად რომ შევკრიბოთ, ძალიან სასიამოვნო იყო. მაღლობა მინდა გადაეუხადო FLEX პროგრამას ჯადოსნური გამოცდილებისთვის.“ – მარი ჯგუშია, 2014 წლის ფინანსიტი.

„2014 წლის 25 აპრილი არის დღე, როდესაც ჩემი ცხოვრება მთლიანად შეიცვალა. ამ დღეს შევიტყვე, რომ გავხდი FLEX-ის ფინანსიტი. ვისკონსინის შტატის ქალაქ ფრიდომში გატარებული ერთი წელი სავსე იყო გამოწვევებით, ახალი ოჯახის შექმნით, რომელიც ჩემთვის ბევრს წარმოადგენს და ახალი მეგობრებით მთელი მსოფლიოდან. მსოფლიო და სიმორე უკვე აღარ მაშინებს. FLEX პროგრამამ მასწავლა, რომ ჩვენ ყველანი ადამიანები ვართ, მიუხედავად იმისა, თუ რა ენაზე ვსაუბრობთ ან როგორ გამოიყურება ჩვენი დამწერლობა. შემიძლია ვთქვა, რომ დიდი პატივია გაცვლითი სტუდენტის სახელის ტარება და ახლა უკვე FLEX კურსდამთავრებულისა, რადგან ეს მართლაც ის პროგრამაა, რომელიც შენს ცხოვრებას ორ ნაწილად ყოფს – FLEX-ამდე და FLEX-ის შემდგომ. მაღლობა მინდა გადაეუხადო ამ პროგრამას ჩემი და ათასობით სხვა მოსწავლის ცხოვრების გაუმჯობესებისთვის და, თუკი შენც გაქვს შანსი გახდე FLEX-ის ოჯახის წევრი, გამოიყენე ეს შანსი!“ – თიკო დავითაშვილი, 2014 წლის FLEX პროგრამის ფინანსიტი.

„ჩემთვის გამორჩეული და დასამახსოვრებელი გამოცდილება Drill Team იყო, რომლის საშუალებითაც შესაძლებლობა მომეცა, უკეთ გავცნობოდი ამერიკულ ცხოვრებას, შევიძინე ბევრი მეგობარი და დავეუფლე ჩემთვის ახალ სპორტის სახეობას.“ – მარიამ ლლონტი, FLEX პროგრამის 2014 წლის ფინანსიტი.

მოამზადა მაპა ყიფინაშა

ინფორმაცია

ოლიმპიადის გამარჯვებულები

საქართველოს ინფორმაციის ეროვნული ნაკრების ანგარიშზე უკვე ექვსი მედალია – ჯერ ევროპის, შემდეგ კი ინფორმაციის მსოფლიოს ოლიმპიადის, რომელზეც საქართველოს ნაკრებიდან ოთხი მოსწავლე ასპარეზობდა, სამმა საუკეთესო შედეგი აჩვენა და ვერცხლისა და ბრინჯაოს მედალები მოიპოვა.

გიორგი კლდიაშვილი, ინფორმაციის მსოფლიო ოლიმპიადის გამარჯვებული: „წელს ოლიმპიადაზე მართლაც რთული ამოცანები იყო და გავიჭირა, მაგრამ მაინც მოვახერხეთ კარგი შედეგით დაბრუნება“.

საქართველოს ნაკრებმა ევროპის ოლიმპიადაზეც სამი მედალი მოიპოვა – ერთი ვერცხლი და ორი ბრინჯაო.

ბაკურ ცუცხაშვილი, ინფორმაციის ევროპის ოლიმპიადის გამარჯვებული: „ჩვენს წარმატებას რაც შეეხება, სამი მედალის მოპოვება ნამდვილად მნიშვნელოვანი იყო. ვფიქრობ, ეს მედალი შეიძლება უნივერსიტეტში სწავლის გაგრძელებაში დამეხმაროს“.

საქართველოს სახელით, ევროპის ოლიმპიადაზე ასპარეზობდნენ: დემირელის კოლეჯის მოსწავლეები – გიორგი კლდიაშვილი, გიორგი სხირტლაძე, ნუგზარ ჩხაიძე და ქუთაისის ფიზიკა-მათემატიკის საჯარო სკოლის მოსწავლე ბაკურ ცუცხაშვილი.


გიორგი მანდარია, საქართველოს ინფორმაციის ნაკრების ხელმძღვანელი: „იმისათვის, რომ მოსწავლემ გამარჯვე-

ბა მოიპოვოს ამ დონის შეჯიბრებებზე, ძალიან საფუძვლიანი ცოდნა უნდა ჰქონდეს ალგორითმების თეორიაში და ასევე მაღალ დონეზე უნდა ფლობდეს დაპროგრამებას. ეს ცოდნა იმდენად დიდია და მასალა იმდენად რთული, რომ ამ ოლიმპადების გამარჯვებულებს, პრაქტიკულად, სიამოვნებით ლეზულაობენ უცხოეთის ნამყვანი უნივერსიტეტები.

სხვადასხვა დროს, ინფორმაციის ოლიმპიადაზე გამარჯვებული ნაკრების წევრები დღეს მსოფლიოს ნამყვან კომპანიებში მუშაობენ. საქართველოს მასშტაბით, ინფორმაციის ოლიმპიადები სწორედ მათი დაფინანსებით ტარდება. ჩვენ რომ მთელ საქართველოს ვფარავდეთ, დარწმუნებული ვარ, უამრავი ნიჭიერი ბავშვია და არჩევანიც მეტი იქნება და ნაკრების დონეც აინეცს, როცა კონკურენცია გაიზრდება. ახლა, დაახლოებით, 100-150 ბავშვი მონაწილეობს საწყის ეტაპზე“.

საქართველოს ეროვნული ნაკრები მსოფლიო ოლიმპიადაზე უკვე რამდენიმე წელია ასპარეზობს. ინფორმაციის 26-ე საერთაშორისო ოლიმპიადა, რომელიც წელს ტაივანში ჩატარდა, საერთაშორისო დონეზე მიმდინარე ერთ-ერთი ყველაზე პრესტიჟული და მასშტაბური ოლიმპიადაა. მისი ძირითადი მიზანია ინფორმაციის პოპულარიზაცია და ამ მიმართულებით მსოფლიოს სხვადასხვა ქვეყნებიდან ნიჭიერი მოსწავლეებისთვის სამეცნიერო და კულტურული გამოცდილების გაზიარების ხელშეწყობა.

ნაკრები გუნდის შემადგენლობაში იყვნენ: ნიკოლოზ სვა-



ნიძე – ოქროს მედალი (სსიპ – ვლადიმირ კომაროვის თბილისის ფიზიკა-მათემატიკის 199-ე საჯარო სკოლა); გიორგი სხირტლაძე – ბრინჯაოს მედალი (შპს – ჩალარის საგანმანათლებლო დაწესებულების დემირელის სახელობის კერძო კოლეჯი); ელენე მაჩაიძე – ბრინჯაოს მედალი (სსიპ – ვლადიმირ კომაროვის თბილისის ფიზიკა-მათემატიკის 199-ე საჯარო სკოლა); ნიკა ნადირაძე – (სსიპ – ვლადიმირ კომაროვის თბილისის ფიზიკა-მათემატიკის 199-ე საჯარო სკოლა).

საქართველოს ნაკრებ გუნდს ინფორმაციის 26-ე საერთაშორისო ოლიმპიადაზე ხელმძღვანელობდნენ: გიორგი მანდარია, შავი ზღვის საერთაშორისო უნივერსიტეტის ასოცირებული პროფესორი, დოქტორი და ზაზა გამეზარდაშვილი, თავისუფალი უნივერსიტეტის ასისტენტი-პროფესორი.

სპორტი

სომერიკის საჭადრაკო დუბლი



აგვისტოში ჩეხეთის დედაქალაქმა პრაღამ ევროპის ასაკობრივ ჩემპიონატს უმასპინძლა ჭადრაკში, რომელშიც საქართველოდან, სხვადასხვა ასაკში, 24 მოჭადრაკე გამოდიოდა, თუმცა მედალი მხოლოდ ერთმა მოიპოვა. ოლონდ მედალსაც გააჩნია და, საბედნიეროდ, ჩვენი მონაგარი ოქროა, რომელიც 18-წლიანთა შორის ნინო ხომერიკმა მოიპოვა. აღსანიშნავია, რომ ის ზედიზედ მეორედ გახდა კონტინენტის ჩემპიონი ამ ასაკში, რაც მის წარმატებას კიდევ უფრო ფასეულს ხდის.

ხომერიკი რეიტინგით თუ შარშანდელი ტიტულით წლეულსაც ფავორიტთა შორის იყო და ეს იმიჯი სრულად გაამართლა - სტარტიდანვე მოყოლებული, სათავეში ედგა სატურნირო ცხრილს და ბოლომდე არ დაუთმო პოზიციები. მან უდანაკარგოდ გაიარა საწყისი სამი ტური, ხუთ ტურში კი მხოლოდ ნახევარი ქულა დაკარგა. საბოლოოდ, დაუმარცხებლად ჩაატარა შეჯიბრება და 9 შეხვედრიდან 6 მოიგო, 3 კი ფრედ დაასრულა. ქართველმა გოგომ 7.5 ქულა დააგროვა და 0.5-ით ჩამოიტოვა რუსი ეკატერინა დიაკონოვა და სლოვენელი ლაურა უნუკი.

ამავე პერიოდში ინდოეთის ქალაქ ბაბუნეშვარში ჩატარდა მსოფლიოს ახალგაზრდული ჩემპიონატი 20-წლამდე მოჭადრაკეთა შორის, რომელშიც საქართველოდან ბიჭებში ირაკლი ბერაძე გამოდიოდა, გოგონებში - მარიამ ჭოლაძე. სამწუხაროდ, ორივემ წარუმატებლად იასპარეზა და უმედილად დარჩნენ. ბერაძე, 7 ქულით, 29-ე ადგილზე გავიდა, ჭოლაძემ კი 5.5 ქულა დააგროვა და 43-ე აღმოჩნდა.

თსუ-მ ევროპაში გვასახელა

თბილისის ივანე ჯავახიშვილის სახელობის სახელმწიფო უნივერსიტეტის ფუტზალის გუნდმა წარმატებით დაძლია უეფა-ს თასის პირველი საკვალიფიკაციო რაუნდი და ფინალურ ეტაპზე თამაშის უფლება მოიპოვა. შესარჩევი ტურნირს, აგვისტოს ბოლოს, ფინეთში, გაიმართა. კენჭისყრით თსუ F ჯგუფში მოხვდა, სადაც მათთან ერთად განთავსდნენ: შოტლანდიის „ვოტსელი“, მალტის „ვალეტა“ და ადგილობრივი „სიევა ფუტზალი“. ჩვენების მდგომარეობას უთუოდ ართულებდა ის გარემოება, რომ მასპინძლებიც მათთან ერთად მოხვდნენ, თუმცა, ამას საბოლოო წარმატებაში ხელი არ შეუშლია და მთელი ტურნირი დიდი აღმავლობით ჩაატარეს. პირველი მატჩი თსუ-მ „მამაცი გულებს“ გუნდთან გამართა, თუმცა შოტლანდიელებს სულაც არ აღმოაჩნდა მამაცი გული - ჩვენებმა 12:4 გაანადგურეს სქოთები. მორიგ შეხვედრაში მალტელებს უფრო მოკრძალებული კრახი აკმარეს - „მხოლოდ“ 6:0, აი, ბოლო თამაშში კი, რომელსაც ჯგუფის გამარჯვებული და ფინალურ ეტაპზე გამსვლელი უნდა გამოეველინა,



მართლაც გაუჭირდათ მასპინძლებთან, თუმცა, „მამაცი გული“ გამოიჩინეს და „სიევას“ დაძაბულ, დრამატულ პაექრობაში 5:4 სძლიეს.

ამით თსუ ჯგუფში პირველ ადგილზე გავიდა და ევროპის ჩემპიონატის ფინალურ ეტაპზე თამაშის უფლება მოიპოვა, რომელიც, 11-16 ოქტომბერს, მაკედონიაში გაიმართება. იქ ჩვენების გარდა, მასპინძელი „ჟელეზნიჩარი“, აზერბაიჯანის „არაზნახიჩევანი“ და კოსოვოს „ფენიქსი“ იბრძობებიან ელიტ-რაუნდში გასასვლელად.

ამ წარმატების აღსანიშნავად თბილისში დაბრუნებულ სტუდენტ ფეხბურთელებს თსუ-მ საზეიმო შეხვედრა მოუწყო, რომელსაც რექტორის მოვალეობის შემსრულებელი დარეჯან თვალთვაძე უძღვებოდა. ლონისძიებას სტუდენტები, პროფესორები, რექტორატის და ადმინისტრაციის წარმომადგენლები ესწრებოდნენ. თვალთვაძემ ფეხბურთელები სიგელებით დააჯილდოვა და მათ ფინალურ ეტაპზე წარმატებით გამოსვლა უსურვა.

შტანგას კატარების ლონივრად ექაჩებიან



უფროსი ძალოსნების მსგავსად, რომლებმაც როდესაც ჟანე-იროს ოლიმპიადაზე თითო ოქრო და ბრინჯაო მოიპოვეს, შტანგას ახალგაზრდა ქართველი ათლეტებიც წარმატებით ექაჩებიან. ნორჩმა ძალოსნებმა ესტაფეტა წარმატებით გადაიბარეს და, ამ დღეებში, ჩინებულად გამოდიან პოლონურ ნოვი ტომისლიში მიმდინარე ევროპის ჩემპიონატში, რომელიც 15 და 17-წლამდე შორის ტარდება. ორი დღის შემდეგ ჩვენს ნაკრებს უკვე 6 მედალი აქვს. მათ შორის - ორი ვერცხლი ორჭიდში, ანუ ევროპის ორი ვიცე-ჩემპიონი უკვე გვყავს.

ჩვენს ნაკრებს პირველი მედალი 17-წლიანთა ტურნირში გურამ გიორბელიძემ მოუტანა 56 კილოგრამში. ქართველმა მოზარდმა ექვსივე ცდა წარმატებით გამოიყენა და 92 აიტაცა, ხოლო 117 აჰკრა. პირველ მოძრაობაში მისი შედეგი მესამე აღმოჩნდა და ბრინჯაოს დაეუფლა, მეორეში კი ვერცხლი მოიპოვა. მან ორჭიდში 209 კილოგრამი დააგროვა, რაც ასევე მეორე შედეგი გამოდგა და ევროპის ვიცე-ჩემპიონიც გახდა.

ზურაბ ანთაურის შეგირდთაგან მორიგ წარმატებას, ამავე ასაკში, ზურაბ მალაყმაძემ მიაღწია 62 კილოგრამში, ვინც ასევე მედალი დაიმსახურა: პირველ მოძრაობაში ყველაზე მეტი აიტაცა და 110 კილოგრამით ოქრო მოიპოვა, აკვრაში კი 125-ით მესამე იყო. ორჭიდში მასაც ვერცხლი ერგო 235 კილოგრამით.

ევროპის ჩემპიონატში წარმატებით ჩაება საქართველოს ეროვნული ნაკრების მთავარი მწვრთნელის, ოლიმპიურ ჩემპიონ გიორგი ასანიძის ვაჟი კახი ასანიძე, რომელმაც თავისი ჯგუფი მოიგო 220 კილოგრამით. ევროპის ჩემპიონატი გრძელდება და, იმედია, ჩვენები კიდევ მოიპოვებენ მედლებს.

სიჯაკაძე - მსოფლიო ჩემპიონი

სექტემბრის დადგომისთანავე პორტუგალიის დედაქალაქ ლისაბონში დაიწყო მსოფლიო ჩემპიონატი ჭაბუკებს შორის თანამედროვე ხუთჭიდის ქვესახეობა ლაზერულ რბენაში, სადაც სპორტსმენები ერთმანეთს სირბილსა და სროლაში ეჯიბრებიან. პორტუგალიაში ჩვენგან ორი ხუთჭიდელი გამოდიოდა, თითო-თითო წარმომადგენელი ბიჭებსა და გოგონებში - გაგა ხიჯაკაძე და ქრისტინე ჭიტაძე. ამათგან უფრო წარმატებით ხიჯაკაძე გამოვიდა, ვინც 19-წლამდე შორის, სადაც გამარჯვებისთვის სხვადასხვა ქვეყნის 35 სპორტსმენი იბრძოდა, პირველობა არავის დაუთმო და მსოფლიო ჩემპიონი გახდა.

ჭიტაძე ჭაბუკებში გამოვიდა გოგონების ტურნირში და მეშვიდეზე გავიდა, რაც ურიგო შედეგი არაა. თუმცა მას მედლის მოპოვების გაცდევით რეალური შანსი მოგვიანებით მიეცა, როცა ხიჯაკაძესთან ერთად შერეულ წყვილებში გამოვიდა. ჩვენი დუეტი ახლოს იყო ბრინჯაოს მედალთან, თუმცა საბოლოო წარმატებამდე ცოტა დააკლდა და მეოთხეზე დარჩნენ.



იმედია, ეს ახალგაზრდები ქართულ თანამედროვე ხუთჭიდს ძველ დიდებას დაუბრუნებენ, თორემ სპორტის ეს კომპლექსური და რაინდული სახეობა ლამის გაქრეს ქართული სპორტის რუკიდან.

ბაცურავენ წყალბურთელები ევროპულ აუზს?

ქართული წყალბურთი სულ უფრო და უფრო იკრებს ძალებს. ამის დასტურად ისიც გამოდგება, რომ უფროსთა კვალიდაკვალ, ევროპის ჩემპიონატის ფინალური ეტაპის საგზური 19-წლამდე შორის გუნდმაც მოიპოვა.

ეს ტურნირი ამ დღეებში მიმდინარეობს პოლანდის ქალაქ ალფენ ან დენ რინიში. ჩვენებთან ერთად, ჯგუფში ხორვატია, აზერბაიჯანი და რუსეთი მოხვდნენ. ქართველებმა სასტარტო შეხვედრა ხორვატიასთან ჩაატარეს და 6:13 წააგეს. ამ წყვილში ფავორიტი ხორვატია იყო, რომელიც ჯგუფში გამარჯვების უმთავრესი კანდიდატიცაა და ასეთი შედეგი მოულოდნელი არაა. ჩვენებმა რეაბილიტაცია მეორე შეხვედრაში აზერბაიჯანთან შეძლეს, ვისაც დიდი ანგარიშით, 26:3 მოუგეს. საქართველოს ნაკრებმა დამაჯერებლად იმარჯვა ოთხივე პერიოდში: 5:0, 5:1, 6:1, 10:1. გამარჯვებულთა შორის ყველაზე შედეგიანი ნიკა შუშიაშვილი იყო, ვინც 6 გოლი გაუტანა მეტოქეს. მას თითო გოლით ჩამორჩნენ ანდრია ბითაძე და გიორგი მაგრაქელიძე, 4 გაიტანა რევაზ იმნაშვილი, 3 - ვაჟა ფურცელაძემ, სანდრო ადუიშვილი, გიორგი მესხი და გიორგი წულუკიანი კი გამარჯვების საქმეს თითო გოლით შეეწინა.

ახლა ჩვენებს გასამართი დარჩათ ჯგუფის ბოლო შეხვედრა რუსეთთან. დებულებით, ჯგუფის გამარჯვებულები მეოთხედ-ფინალში ავტომატურად გადიან, დანარჩენები კი პლეი ოფში დაწყვილდებიან. ჩვენი ჯგუფის მეტოქე D ჯგუფის წარმომადგენლები იქნებიან, სადაც საბერძნეთი, უნგრეთი, ჩერნოგორია და მალტა მოხვდნენ. იმათგანაც პლეი ოფში მალტა თუ გვერგება, თორემ სხვებთან შანსი, ფაქტობრივად, არ გვაქვს.



რუბრიკა მოამზადა ირაკლი თაყაიძემ

თვალსაზრისი

მასწავლებელთა სასერტიფიკაციო გამოცდების გამოცხადება

არ იფიქროთ, გამოცდებზე წარმატებლობის ტკივილი ან პირადი წყენა იყოს ამ წერილის დაწერის საფუძველი.

სასერტიფიკაციო გამოცდების პირველივე წელს მივიღე გამოწვევა და, საბედნიეროდ, საკმაოდ მაღალი ქულებიც დავიმსახურე. გასულ წელს კი დაწყებითი საფეხურის გამოცდაც (I-VI კლ.) წარმატებით ჩავაბარე და ამით, არ დაგიმალავთ, უდიდესი პროფესიული სიამოვნება დამეუფლა, საკუთარი შესაძლებლობების წარმოჩენა ახალი ძალა და ენთუზიაზმი შემძინა, რაც ძალიან დამეხმარება ჩემი მოვალეობის კიდევ უფრო ხარისხიანად შესრულებაში.

ჩემმა სკოლამ - წმინდა ნინოს სახელობის ქუთაისის №3 საჯარო, მასწავლებელთა სასერტიფიკაციო გამოცდების დაწყების პირველ წელსვე, რესპუბლიკაში ერთ-ერთი პირველი ადგილი დაიკავა შედეგების თვალსაზრისით, მაგრამ ერთეულების წარმატება საქმეს არ შევლის... მასწავლებელთა მრავალათასიანი კორპუსი მორალურად განადგურებული და შერცხვენილი თავიანთი მოსწავლეების, მშობლებისა თუ, ზოგადად, საზოგადოების წინაშე. არადა, რა კარგად ბრძანა განათლების მინისტრმა, ბატონმა ალექსანდრე ჯეჯელავამ: „როცა სასერტიფიკაციო გამოცდაზე 80% იჭრება, აქ პრობლემა თავად გამოცდების სტრუქტურაშია და არა მასწავლებლებში“.

ეს სამართლიანი მინიშნება დარჩა „ხმად მღალაღებლისა უდაბნოსა შინა“...

დღევანდელი საქართველოს სკოლებში რომ ამ გამოცდების ადეკვატური, ანუ ძალიან სუსტი მასწავლებლები მოღვაწეობდნენ, ეს პრობლემა სხვადასხვა სახით საზოგადოებაში გამოცდების გარეშეც მომნიშვნებოდა... უბრალოდ, მშობლები არ მიანდობდნენ მათ თავიანთი შვილების აღზრდას.

ახლა ამდენი ჩაჭრილი მასწავლებელი, ისევ უხალისოდ, მორალურად განადგურებული, მიადგება თავიანთ სკოლებს, შეხვედრა აღსაზრდელებს, განაგრძობს თავის საქმეს უხალისოდ, გარეგნული, მოსწავლეთათვის მარგი ნიღბით, ღიმილითა და ჩვეული მონდობით, რადგან მათ ძალიან კარგად იციან, რომ მოსწავლეს, რომელიც წრფელი გულითა და ნათელი თვალებით გიციქვს, არ ელაღებება, მასწავლებელმა ხომ თავისი უარყოფითი ემოცია, დარდი თუ ფიქრი სკოლის კარებთან უნდა დატოვოს.

თუმცა, როცა წლების განმავლობაში რუდუნებით მომუშავე პროფესიონალ მასწავლებელს გამოცდის შედეგები ეუბნება, რომ „შენ არ ვარგხარ, ამიტომაც ჩაიჭერი“, ეს ტკივილი სკოლის ზღურბლთან ვერ დარჩება, უფრო მეტიც, შეიძლება ჯანმრთელობის დაკარგვისა და სიცოცხლის მოსპობის ფასად

დაც დაუფედეს მას, ვისაც არაერთხელ გადაუტანია საქვეყნო თუ პირადი საარსებო კრიზისები და პროფესიული საქმისათვის არასოდეს უღალატებია.

ნებისმიერი პროფილის მასწავლებელთა სასერტიფიკაციო საგამოცდო ტესტებს რომ გადახედოთ, ძალიან მარტივად მიხვდებით, რომ არც ერთი საგნის სამუშაო მასალა მასწავლებლის საკეთილდღეოდ არაა შედგენილი. პირიქით, ცალსახად შეიძლება ითქვას, რომ ეს მასწავლებლისადმი არაპირდაპირი მტრობაა, მიმართული მისი ჩაჭრისა და სახლში შერცხვენილი გაშვებისაკენ.

უფრო კონკრეტულად რომ მივანიშნოთ ამ პრობლემაზე, დაწყებითი კლასის მასწავლებელთა საგამოცდო ტესტი გამოდგება ამის საილუსტრაციოდ.

სხვადასხვა ჯგუფი, გუნდურად, თვეების განმავლობაში მუშაობს (ქართულის, მათემატიკის, ბუნების, გეოგრაფიის და სხვ.), ადგენენ ათასი ლაბირინთით დახლართულ-დამძიმებულს ფიზიკით, ბიოლოგიით, გეოგრაფიით, დაწყებითი კლასების მასწავლებელთათვის ყოველად არასაჭირო თავსატეხებს იმისათვის, რომ ეს გუნდურად მომზადებული თავსატეხები ერთმა სანყალმა მასწავლებელმა „დაძლიოს“.

რატომ? ჩვენ ხომ გვასწავლეთ, დავალებები უნდა იყოს მოსწავლეთათვის დაძლევადი, დროის ღირებულ მორგებული, ვალიდური.

ბედნიერი მოსწავლეები! ჩვენ პირნათლად ვასრულებთ ამ მოთხოვნებს, არ შევასრულებთ და, არაფერს გვაპატივებს: არც მშობელი, არც ბავშვი, არც მონიტორინგის სამსახური.

ამ პრინციპით შედგენილი საგამოცდო დავალებები არც მასწავლებლებს აწყენდა...

ჩვენ ვინ გვიცავს ამ სასტიკი „საგამოცდო თავდასხმებისაგან“?

შევედვართ ამ ომში და იმ მეზობლებს ვგაერთ, რომელთაც ხელში შეაჩერეს იარაღი, რომლის მოხმარება მეომრებს შორის არაფერს იცის, თუმცა, ძალიან უნდათ გამარჯვება, გული ერთი წარმატებისაკენ.

ოპონენტი მეტყვის: მასწავლებელთა ტრენინგები მათ წარმატებებსა და ცოდნით აღჭურვას ემსახურებაო.

დავიჯეროთ? მაშინ სადაა შედეგი?

ეს ტრენინგებიც წყალში გადაყრილ ფულსა და უქმად დახარჯულ დროს ჰგავს. ალბათ, არაა შესაბამისობა საჭირო სატრენინგო მასალასა და საჭიროებას შორის.

ისევ ბატონი ალექსანდრე ჯეჯელავას ქუთაისში მასწავ-

ლებელთა შეკრებაზე ნათქვამს გავისხენებ: „ჩემს გონებაში რამდენიმესართულიანი პირამიდაა, რომლის წვეროზე არის მოსწავლე და შემდგომ საფეხურზე - მასწავლებელი“. მერე სხვა საფეხურებზეც მიგვანიშნა. ბატონმა მინისტრმა საოცარი კომუნიკაბელურობა გამოამჟღავნა. კითხვების დასმის გარეშე თავად შეეხო ყველა პრობლემას, რომელიც დღეს მასწავლებელთა მრავალათასიან არმიას აწუხებს, ყველა პრობლემაზე სწორედ მასწავლებლებისათვის მისაღები, სასიამოვნო, ემპათიური განწყობა გამოამჟღავნა, რითაც ძალიან მოიგო ასეულობით მასწავლებლის გული. ყველაფერთან ერთად, მეტად საგულისხმო რამ ბრძანა: „მოსწავლეებს სკოლაში მოსვლა უნდა უხაროდეთ, მაშინ შეასრულებს სკოლა თავის ფუნქციას“.

სრული ჭეშმარიტებაა! ვფიქრობთ, საქმე უკეთესად იქნება, თუ გამოცდის ლაბირინთში ნაბრძოლი მასწავლებელი, დამარცხებული და შერცხვენილი არ შევა თვალსაზრისს გოგო-ბიჭებთან, თუ ათასი უაზრო „ქალღმომადონით“ დალილებს დარჩებათ დრო პროფესიული სრულყოფისათვის.

მასწავლებელი ენციკლოპედიურ განათლებას ტვინში ვერ დაიტევს. საჭირო შემთხვევაში ყველა ენციკლოპედიას თუ ინტერნეტრესურსს გამოიყენებს იმისათვის, რომ პირნათელი შევიდეს კლასში თავისი მოსწავლეების წინაშე.

ნუ დატანჯავთ რუდუნებით მოღვაწე მრავალათასიან მასწავლებელთა არმიას ამ „კოშმარული“ გამოცდებით, საყვარელ საქმეს ნუ შეაძულებთ, ნუ შეარცხვენთ, ნუ დაამცირებთ მოსწავლეთა და საზოგადოების თვალში. თუ მოსწავლეთან ზრდასრული პიროვნებისათვის შესაფერი მიდგომებით ვმუშაობთ, მასწავლებლის პრესტიჟსაც მოვეუფრთხილდეთ, თორემ სასურველი შედეგი არ დადგება.

მოსწავლე, მშობელი, საზოგადოება, განათლების სამინისტრო - ერთ სიბრტყეზე მოღვაწე, ერთი მიზნისკენ მიმართული ფასეულობათა შემქმნელი ერთობაა, რომელიც შორის ღირსებაწარმთელი მასწავლებელი ცუდად გამოიყურება, ამიტომაც საშური საქმეა ახალი მიდგომების მოძიება ამ პრობლემის დროულად მოსაგვარებლად. უმორჩილესად გთხოვთ:

ნუ ნაგვართმევთ ღირსებას!

მარიან არაბიძა-აშვითია
სსიპ წმინდა ნინოს სახელობის ქუთაისის №3 საჯარო სკოლის ქართული ენისა და ლიტერატურის მასწავლებელი

ინფორმაცია

წიგნი რომ მხოლოდ რელიქვიად არ იქცეს

პრიორიტეტული გამჭოლი კომპეტენციებიდან წიგნიერება ერთ-ერთი პირველია. მართალია, დღეს ტექნოლოგიების საუკუნეში ვცხოვრობთ, წიგნი ელექტრონულმა წიგნებმა ჩაანაცვლა, მაგრამ ეს არ ნიშნავს, რომ ჩვეულებრივი წიგნი უარყოფთ და თაროზე შემოდებულ რელიქვიად ვაქცივით. წიგნი ნებისმიერი სახით უნდა იყოს ადამიანის განუყოფელი მეგობარი ნებისმიერ ასაკში. სწორედ ამიტომ ჩავთვალე საჭიროდ ჩვენს სკოლაში ბიბლიოთეკა შექმენა. იდეა ჯერ ბავშვებს გაეცანინა და მეტი ინტერესი რომ ჰქონოდათ, ვთხოვე, ერთად შეგვეგროვებინა მასალა, ერთად გვეკეთებინა საქმე. როგორც კი მათი აქტივობები თვალში დასტურდა, მივიღე, დირექტორს აცხადებენ და სრული თანხმობით მოტივირებულმა სოფელში მასალის მოძიება დავიწყე. უნდა ითქვას, რომ სიხარულით ხვდებოდნენ ამ ინიციატივას. თაროების გაკეთება სპორტის მასწავლებელმა და სკოლის მძღოლმა ითავა. საღებავები სკოლის ყურნალიდან შეიძინა თანხით უნდა შეგვეძინა. შევიგეძინა **ლუკა კვირიკაძემ** კი ბურთისთვის შეგროვილი თანხა, ბიჭებთან მიღებული გადაწყვეტილების შემდეგ, გადმოძვა: - მასწავლებლო, ესეც გამოიყენეთ ბიბლიოთეკისთვის! - ნამდვილად დიდსულოვანი გადაწყვეტილება იყო, რადგან ჩემს ბიჭებს ბურთის თა-

მაში ყველაფერს ურჩევნიათ!

ბიბლიოთეკა კი მზადდებოდა, მაგრამ მთავარი ხომ წიგნები! სოცქსელში გამოვაცხადე ჩემი ჩანაფიქრის შესახებ, უამრავი გამოხმაურება მოჰყვა, ნაცნობები თუ უცნობები მთავაზობდნენ დახმარებას, მოუწოდებდნენ ყველას, დახმარებოდნენ სოფლის სკოლას და შედეგაც არ დააყოვნა! გამოჩნდნენ პირველი მერცხლები, რომლებმაც სიამოვნებით გაიღეს შემონიშნული წიგნები შეიძინა სკოლამაც. წერილი მივმართე საქართველოს პარლამენტის ეროვნული ბიბლიოთეკის დირექტორს **გიორგი კეკელიძეს**, რომელიც მაშინვე გამომეხმარა და წიგნების ადგილზე ამოტანას დამპირდა.

ბიბლიოთეკის დასრულება სექტემბრისთვის მქონდა დაგეგმილი, რომ ეროვნული ბიბლიოთეკიდან ზარი შემოვიდა ორ დღეში წიგნებით ამოვივივართო. სასწრაფოდ დავრუხმე სკოლის და სოფლის აქტივი და ორ დღეში ბიბლიოთეკის ოთახი მზად იყო სტუმრების მისაღებად.

და ჩვენი სკოლის ისტორიაში კიდევ ერთი ლამაზი ფურცელი ჩაინერა 2016 წლის 25 მაისს - ეროვნულმა ბიბლიოთეკამ უზომოდ გაგავაზარა ერთი პატარა სოფლის, პატარა სკოლის კოლექტივი და ბავშვები. გიორგი კეკელიძის სტუმრობა და გაცნობა ნამდვილად დღესასწაული იყო ჩვენთვის. გიორგის-

თან შეხვედრამ კიდევ ერთხელ დამარწმუნა, რომ ადამიანი უბრალოდ ადამიანი უნდა იყოს, რეგალია და სტატუსი არაა მთავარი! მადლობა გიორგის ყურადღებისთვის, მადლობა ეროვნული ბიბლიოთეკის თანამშრომლებს იმ სიხარულისთვის, რომელიც გვარგუნეს!

ამ დღეს კიდევ ერთი სიურპრიზი და დიდი საჩუქარი გველოდა! ჩვენი სკოლის კურსდამთავრებულის, ან გარდაცვლილი **ფეფხია ჭკადუას** მეუღლემ, **ცირა გულუამ**, რომელიც თავადაც შედაგოგია ახალაბასთუმნის საჯარო სკოლაში და, ამავე დროს, სპმთპ-ის ზუგდიდის რაიონული ორგანიზაციის თავმჯდომარეა, ოჯახის გადამწყვეტილებით, მეუღლის სიონის საპატივცემულოდ, სკოლას „ქართული პროზის“ სრული სერია და მეუღლის საყვარელი პოეტის, შოთა ნიშნიანიძის კრებული უსახსოვრა.

კვლავ ველოდებით შემონიშნულს. მანამდე კი ბიბლიოთეკის ამჟამინდელი „ბინადარი“ მოუთმენლად ელიან პატარებს, რომლებსაც სექტემბერში სასიამოვნო სიხლე დახვდებათ!

ლალი მარბიანი
ლაზამულის საჯარო სკოლა



ახალ სასწავლო წელს 53 540 პირველკლასელი იზიარებს



გაცნობის დღე

ნიუტონის თავისუფალი სკოლა

საერთაშორისო კონფერენცია

გამარჯვებული გარემოსდაცვითი მოსწავლეები

გერმანიის დედაქალაქ ბერლინში 4-5 აპრილს გამართულ გარემოსდაცვის მეთრე ახალგაზრდულ კონფერენციაზე „Umwelt macht Schule“ ზუგდიდის მუნიციპალიტეტის ახალსოფლის საჯარო სკოლამ გაიმარჯვა. კონფერენცია გოეთეს ინსტიტუტის მიერ იყო ორგანიზებული, გერმანიის ახალსოფლის საჯარო სკოლამ გამარჯვება ყოფილი საბჭოთა კავშირისა და აღმოსავლეთ ევროპის სახელმწიფოთა 16 საჯარო სკოლას შორის მოიპოვა, აღნიშნული 16 სკოლა კი 221 სკოლას შორის იქნა შერჩეული.

ახალსოფლის საჯარო სკოლის გუნდს წარმოადგენდნენ: ჯგუფის ხელმძღვანელი, გერმანული ენის პედაგოგი **ციტინო ქობალია**, სამოქალაქო განათლების პედაგოგი **ქეთევან კიტია**, მოსწავლეები: **მარიამ ჯოჯუა**, **მარიამ შეროზია** და **თამაზა ჯოჯუა**.

გოეთეს ინსტიტუტის ზემოაღნიშნული კონფერენცია მიეძღვნა მწვანე მოძრაობისა და გარემოსდაცვითი ღონისძიებების მხარდაჭერა-პოპულარიზაციას, რა თქმა უნდა, საგანთა ინტეგრირებით, მოსწავლეთა დაინტერესებას გერმანული ენით და სწავლების გაუმჯობესებას.

კონფერენცია მიმდინარეობდა ორ ეტაპად: პირველი ეტაპი პროექტზე შექმნილი პლაკატების პრეზენტაციას მოიცავდა. პლაკატზე პროექტის მთლიანი შინაარსი უნდა ასახულიყო და ვიზუალურად მიმზიდველი უნდა ყოფილიყო, ყველა შეკითხვაზე ამომწურავი პასუხი უნდა გაეცემა. ჩვენ მიერ წარმოდგენილი პლაკატი თითქმის ყველა მონაწილე დაინტერესდა და შესაბამისად უამრავი კითხვაც დაგვისვეს. მეორე ეტაპი კი პროექტების პრეზენტაციას დაეთმო. ორივე ეტაპზე გამარჯვებული გუნდი უნდა გამოეყვინათ. აღმოჩნდა, რომ პირველი ეტაპის გამარჯვება ერთხმად მიანიჭეს ახალსოფლის საჯარო სკოლას. კონფერენციის მონაწილე მოსწავლეებს ჩაუტარდათ, ასევე, მასტერ კლასები სხვადასხვა თემებზე, სადაც აქტიური მონაწილეობა მიიღეს ჩვენმა მოსწავლეებმა და შთაბეჭდილებები მასწავლებლებსა და მოსწავლეებს გაუზიარეს.

ახალსოფლის საჯარო სკოლის მიერ წარდგენილი იყო პროექტი, რომელიც მიზნად ისახავს სკოლის მიმდებარე გამდინარე წყაროს წყლის ეფექტურ გამოყენებას. სოფელში გავრცელებული იყო მოსაზრება, რომ წყალი სამკურნალო თვისებებისაა, თუმცა, ჩატარებულმა ლაბორატორიულმა კვლევებმა უჩვენა, რომ იგი ჩვეულებრივი არტეზიული წყალია.

საბჭოთა პერიოდში ახალსოფლის საჯარო სკოლაში ფუნქციონირებდა საცურაო აუზი, რომელიც მარაგდებოდა აღნიშნული წყაროს წყლით, სადაც პერიოდულად ტარდებოდა შეჯიბრებები როგორც რაიონის, ასევე ქვეყნის მასშტაბით. 90-იანი წლებიდან აუზს ფუნქცია აქვს დაკარგული. სკოლაში მიზნით, რომ შესაბამისი ფინანსური რესურსების მოძიების შემთხვევაში შესაძლებელია, აუზი შეივსოს წყაროს გამდინარე წყლით, რაც მას პირვანდელ ფუნქციას დაუბრუნებს, ხელს შეუწყობს მოსწავლეთა შორის ჯანსაღი ცხოვრების წესის პოპულარიზებას. უნდა აღინიშნოს, რომ ეს ზუგდიდის მუნიციპალიტეტში ერთადერთი საცურაო აუზი იქნება, რომელიც ხელსაყრელია არა მარტო ახალსოფლის საჯარო სკოლისთვის, არამედ ახლომდებარე ოთხი საჯარო სკოლისთვის. მოზარდებში ხში-



რია ხერხემლის სხვადასხვა დაავადებები, ცურვა კი საუკეთესო თერაპიაა. ასევე აუზი (საჭიროების შემთხვევაში) შეიძლება გამოიყენონ სახანძრო რაზმებმაც, რომლებიც წყლის მარაგს ძირითადად მდინარეებიდან იღებენ, რაც განსაკუთრებულად რთულდება ზაფხულში, გვალვისას.

პროექტის ფარგლებში, სკოლის მოსწავლეთა, მასწავლებელთა და მშობელთა მიერ, დასუფთავდა წყაროს მიმდებარე ტერიტორია, დამონტაჟდა სანაგვე ურნები და მოეწყო მოსასვენებელი „ბუნგალოც“. თუმცა გამომდინარე იქიდან, რომ წყალი კალაპოტში არ მიედინება, მიმდებარე ტერიტორიას აჭობებს, ამიტომ წყაროს წყლის ეფექტური გამოყენება, ამ წყლით აუზის შევსება, ასევე მისი სკოლაში სანიტარული მიზნებით გამოყენება შესაძლებელია.

<https://www.goethe.de/de/uun/akt/20731516.html>

<https://www.facebook.com/goetheinstitut.georgien/posts/1204527432921526>

ახალსოფლის საჯარო სკოლა ასევე წარმატებით მონაწილეობდა გოეთეს ინსტიტუტის მიერ განხორციელებულ პროექტში „გაერთიანდეთ მდგრადი მომავლისთვის“ (პროექტის ხელმძღვანელები – **გვანცა ხინთიბიძე** და **აიკე პოკრანტი**). პროექტის პირველი ეტაპი ორიენტირებული იყო გერმანული ენის მასწავლებელთა გადამზადებაზე კვარიათში. მასწავლებელთა საზაფხულო ბანაკის დროს შემუშავებულ იქნა გერმანული ენის გაკვეთილზე მდგრადი განათლების დანერგვის სტრატეგიები. სემინარს თემაზე „ქმედებაზე ორიენტირებული პროექტის სწავლება“ **ფატი რამიშვილი** კურირებდა. ვენის სოფლის მეურნეობისა და პედაგოგიკის ინსტიტუტის პროფესორი, ბატონი **ვილჰელმ ლინდერი** ხელმძღვანელობდა ჯგუფს „მდგრადობა“ და ამასთან დაკავშირებით არაერთი კოლექტიური გასვლა მოაწყო სანაპიროზე, მთებსა და ბოტანიკურ ბაღში.

შემდგომი ეტაპი ორიენტირებული იყო მოსწავლეებზე, რომლებსაც პედაგოგების ხელმძღვანელობით უნდა მოეძიათ პრო-



ექტის განხორციელების შესაძლებლობები. ჩვენი სკოლის პროექტად შერჩეულ იქნა წყაროს წყლის გამოკვლევა. დახმარება გაგვინდეს გოეთეს ინსტიტუტმა და ვენის სოფლის მეურნეობისა და პედაგოგიკის ინსტიტუტის სტუდენტმა **ბერნდ ჰოსტიციკი**. პროექტს ხელმძღვანელობდნენ: გერმანული ენის მასწავლებელი **ციტინო ქობალია**, ბიოლოგიის მასწავლებელი **შორენა კვარაცხელია** და სამოქალაქო განათლების მასწავლებელი **ქეთევან კიტია**. დასკვნით ეტაპზე პროექტი წარმატებული აღმოჩნდა. სკოლაში გერმანული ენის უკეთეს სწავლების მიზნით ტარდება ინტეგრირებული გაკვეთილები სხვადასხვა საგნებთან, რაც ხელს უწყობს მოსწავლეთა მოტივაციის ამაღლებას. ერთ-ერთ ასეთი წარმატებული გაკვეთილი იყო „მუსიკა გერმანული ენის გაკვეთილზე“, რომელიც როგორც პროექტ გაკვეთილი, ორ ნაწილად ჩატარდა 2016 წლის მაის-ივნისის თვეში: პირველი ნაწილი – მეზუთე-მეექვსე კლასებში, სადაც მოსწავლეებმა სიმღერით შეისწავლეს პროგრამით გათვალისწინებული თემები – მისაღმეა, ალფავიტი, დათვლა, წელიწადის დროები, კვირის დღეები, ფერები და სხვ. ასევე სიმღერით შეასრულეს ზღაპარი „ბრემენელი მუსიკოსები“. მეორე-მეათე კლასებში ჩატარებული გაკვეთილი კი მოიცავდა ვენის კლასიკოსებსა და ზაქარია ფალიაშვილის შემოქმედებას. მოსწავლეებმა მოიძიეს მასალები მოცარტის, შაიდნის, ბეთჰოვენის ცხოვრებიდან, თარგმნეს ქართულად, მოისმინეს „მთვარის სონატა“, „ხარის მენუეტი“, „გამოსამშვიდობებელი სიმფონია“, შეასრულეს გერმანული სიმღერები, მოამზადეს კედლის გაზეთები ფალიაშვილის, მოცარტის, ბეთჰოვენისა და შაიდნის ცხოვრებასა და შემოქმედებაზე, ასევე შექმნეს ვიდეო კოლაჟი. შეადგინეს მინი-ლექსიკონი, გაიმდიდრეს ლექსიკური მარაგი. ყოველივე ამან ხელი შეუწყო მოსწავლეთა და მშობელთა დაინტერესებას გერმანული ენით.

მაია ცაპაპა
ზუგდიდის მუნიციპალიტეტის
ახალსოფლის საჯარო სკოლის დირექტორი



მთავარი რედაქტორი:
მარიკა ჩიქოვანი

რედაქციაში შემოსული ხელნაწერები არ რეცენზირდება და ავტორებს არ უბრუნდება.

მისამართი: 0102 თბილისი, ტაბლავაშვილის ძ. №3
ტელ.: 032 295 80 23, 599 880073
www.axaliganatleba.ge axaliganatleba@gmail.com

რედაქციის საბანკო რეკვიზიტები: შპს „ახალი განათლება“ ს/კ 202058735
ა/ა GE86BG000000123631000GEL, ს.ს. „საქართველოს ბანკი“ ზ/კ BAGAGE22,

ISSN 2233-386X



9 772233 386008 >